


ILISIKU LILA PA KALIVARI

 Ndaga ugwe, Nkundwe Neville. [Nkundwe Neville ikuyoba, “Akusaye ugwe, nkundwe.”—Nsimbi.] Kyala akusaye ugwe, Nkundwe Neville. Ndaga ugwe, nubwīngi fiyo.

² Ulubunju ulununu, bīnangu. Ikyene kyo lusako ukuya apa ku nyumba iyi kangi, ulubunju ulu, ukumbombéla u Ntwa, mu njila ya kulūmbilila i Lisyu nukwīputila ababine. Kangi une ndi gwakupalisya fiyo panongwa ya lisiku ili.

³ Kangi une nswīgile, itolo bo une ngwīngīla. U nkundwe alinkusegeléla nukuyoba, “Une ndikulōnda ukuya bo ugwabukoma unsitakufwana uyu abūmbulusīgwe.” Umwēne yo Nkundwe Wright. Une nalimmwīputile umwēne, kangi u Ntwa āmbumbulwīsyé umwēne lōsa. Kangi umwēne isīle pala, ukulila, ukumbonia ikiboko, nukuyoba ukuti—ukuti umwēne ikulōnda ukupālisya u Ntwa panongwa—panongwa ya kuya mbumbulusīgwe. Umwēne ālōndāga ukugomokela nukupa ulupālisyo. Ikyēne kyo kyōsa kikīndile. Umwēne yo—umwēne yo nubupelelesye ali kanunu lilino. Uswe tuli bakupālisya panongwa ya ama buketi aga.

⁴ Kangi Charlie, ugwe na Nkundwe Jeffries, linga umwe mukulōnda, isaga kuno nukwēga ifikota ifi pamwanya apa. Kangi umwe mwe bākwāmbililīgwa ukukindapo, popāpo umwe mutikufimbilisīgwa ukwīma. Unkundwe uyungi pala, kangi Nkundwe Wood, itolo isaga kumwanya kuno. Ugwe guli . . . Apa palipo akanini, amanuyo mabili apa pa kibenchi, popāpo umwe mutikifimbilisīgwa ukwīma. Une ngwītika, amabuyo mabili apa, kangi, ena, umwe mubagile ukuya bakukīnda ukwambililīgwa ukwīsa nukwēga amabuyo aga.

⁵ Uswe tuli basangalufu uku . . . Une ngusubila ikyēne kyāyobīgwe, akabalilo kamo, “Une nāli nsangalufu akabalilo kāko abēne bāyobīle kwa une . . .” Kyala akusaye ugwe, nkundwe. [Nkundwe ikuyoba, “Akabalilo kosa une nīganīle ukuya kifuki ku ndumbilili.”—Nsimbi.] Ndaga ugwe. Ndaga, ndaga, ndaga ugwe. “Une nāli nsangalufu akabalilo kāko abēne bāyobīle kwa une, unko uswe tubūke mu nyūmba ya Ntwa.” Ulo lo lusako akangi busangalufu ubwa Nkristi, ukubūka ku nyūmba ya Ntwa.

⁶ Ngukelengania, ngukēta bīngi fiyo ba bīnangu nkati, ulubunju ulu, une nhobwīke ukukīnda pa iki. Une ndi nsangalufu ukumbona Nkundwe na Kalumbu Dauch apa, ukufuma ku Ohio. Une ngukēta Nkundwe na Kalumbu Armstrong kunyuma kula, injila yōsa ukufuma ku Ohio. Kyāla abasaya umwe mwēsa, nūmwe. Kangi, o, itolo ngukelengania, ugwe kukēta bīngi fiyo, ikyēne kikuyaga mu luko lwa kuya

kikafu ukuya ni ngamu syābo syōsa. Kalumbu Hoover, uswe tuli basangalufu ukubona ugwe nkati, ulubunju ulu, ukufuma kula mu Kentucky. Kangi Charlie na Nellie, Nkundwe Jeffries ni kikolo kyāke, kangi itolo bīngi fiyo muno, ukufuma pānja pa kāya.

⁷ Popāpo uswe tukugūlila akabalilo akakulumba mwa Ntwa, ulubunju ulu, tukugūlila Kyāla ukwāgāna na uswe mu njila ukutusaya imyoyo gyītu kangi ukubōmbéla kwa uswe ifīndu ifi uswe tufūmbīlwe.

⁸ Kangi bo une ngukēta pa mwanya pa buyo, linga une ngubūkāga ukubilikila bōsa abīnāngu ukusyūngutīla apa, une ngwēgāga ulubunju ulunywāmu ukukīnda, ukuyoba abakīndāne bala. Kikumbela une ukwīpilika kanunu ukugomokela ku kipānga, ukukēta bōsa abāndu nkati, ukwisa kukwāgāna.

⁹ Ngimba ikyene kikuyaga fiki akabalilo kako uswe tukufika ku Mwanya, kangi uswe tukwāgāna Kula ku kabalilo akakulumba kala aka kusitakumalika, ubulilanisi Ubwasyēpwa palikimo, ukusyūngutīla i Kikota kya Kyāla, kangi isayo silasila isi uswe twēsa twālikyēlile? Uswe, Kula, twisakupeligwāga mu bufwāne Bwāke, kangi mu kifwani Kyāke, kangi na Mbepo Gwāke pa uswe, ukuntufya kangi ukumbombela Umwēne kwa Syēpwa gwēsa, nasiku ukuya nkatale.

¹⁰ Inogona itolo, kakayapo na kalikōsa aka ugwe ubagile ukwinogonela, aka ugwe gwīganile ukubōmba, lōli mwa apa na apo ugwe kukatala mu kubōmba ikyēne. Charlie, une ngusakisya ugwe na une tifwīmīle abalukoti ukukīnda kalikōsa aka uswe twīganile ukubōmba, mu njila ya kuti, lōli, umwe mumenye, ugwe kukatala ikubōmba ikyēne.

¹¹ Kangi une—une nīganile uku—uku bēta, ukufika mfyāmba kangi itolo nukubēta. Lōli une ngukatala, utubalilo tumo, ugwe kulōnda ukubōmba ikindukimo ikīngi.

¹² Kandi une nīganile ukwēndesya. Utubalilo tumo une ngufikapo ukwīpilika mu luko lumo ulwa kukatala nu kusililika mōsa, kangi indepa sili pa lwēnge. Une ngunyēla itolo mwigali lyāngu nukusōkāpo, nukwikoleléla ku kipopotolelo, ngubūka ukusuluka pa nsebwe, ngwimba, “Une nhobwike fiyo ukuti une mbagile ukuyoba une yumo mwa bene,” pamo ikindukimo. Itolo ukukamata ikipopotolelo kila, nukwimba, nukukanyanga ikilūndi kyāngu, nukuywēga. Kangi, ukukindapo akabalilo, une nguya nkatale, kangi polelo une ngugomokela ku kāya nukwānda ikindukimo ikīngi.

¹³ Lōli akabalilo kāko uswe tukufika ku kwīputila Kyāla mu Kitāngalala kila ikipya, patisakuyapo siku akabalilo kakukatala, itolo—itolu kisakuyaga lusayo, itolo nkyēne kangi nkyēni. Lōli, ena, uswe twisakwandulīgwa akabalilo kala. Uswe tutisakuya ngati mūmo uswe tuyīlile lilino. Uswe

twisakuya bakīndāne, fipelígwa ifikīndāne ukukīnda iki uswe tuli akabalilo aka. Popāpo, uswe tuli basangalufu.

14 Une ninogonaga itolo. Une ngamanya kali une mbobilemo siki, ukwāndisya iki pamo mma. Nkundwe Charlie, utabalilo tumo iyolopu, une nāli kula mu Kentucky nu mwēne, kangi umwēne alinkuyoba, “Nkundwe Branham, ugwe kwīnogóna, mu Fyīnj’elifu, ugwe na une twisakufwīma abalukoti?”

Une ndinkuti, “Une ndikwīnogona lūlo mma, Charlie.”

15 Alinkuti, “Mulimōsa, uswe twākiganile ikyēne kanunu fīyo,” alinkuti, “ugwe—ugwe kwīnogona uswe twisakubōmba akabalilo kāko uswe tukufika mu Fyīnj’elifu?”

Une ndinkuti, “Umma, patisa nakimo ikyākugogígwa mu Fyīnj’elifu.”

Kangi umwēne alinkuti, “Mulimōsa, uswe itolo twākiganile ikyene.”

16 Une ndinkuti, “Charlie, bule linga une nābagile ukusōnga ugwe ukwītika ukuti akabalilo kamo ugwe gwāli ngulube, kangi ugwe gwāfyūkile ku būndu bwapamwanyapo, ukuya būndu bwa mūndu? Ngimba ugwe ubagile ukubūkāmo siku, ukulōnda ukugomokela nukwīkyēlo ubwīkyēlo bwa ngulube?”

Alinkuti, “Umma.”

17 Une ndinkuti, “Uketile, ugwe kuyaga gwapamwanyapo fiyo ukukīnda i ngulube, lilino, ugwe gwe mūndu, ugwe ukabagilāmo siku ukulōnda ukuya ngulube kangi mma.” Une ndinkuti, “Lilino bāsania kila ka elifu kalongo, kangi ikyo kyo iki ugwe kwisakuyaga akabalilo kāko ugwe gwāndulígwe ukufuma kuno ukubūka iki ugwe kwisakuyaga. Ugwe siku ukulonda ukuya mundu kangi mma.”

18 Uko ko kotalusya. Ikyēne kisakuyaga kindukimo ikikīndāne. Une nsangalwike fiyo itolo panongwa minōgona ga ikyēne, mmenye ukuti ilisiku limo uswe twisakufyūka mmwanyapo.

19 Mulimōsa, lilino, linga u Ntwa ikwītíkísya, Pandungu ugwe gukwīsa, ili lyo lisakuyaga kifuki. . . Polelo une nguyaga pakusōkāpo, ukubūka pānja mu Wyoming, nu mwīnāngu unnūnu; pamo pānja mu Idaho, nu mwīnāngu unnūnu gwa une, Nkundwe Miner Arganbright, Nkundwe Clayt Sonmore, aba Christian Business Men.

20 Undungu ugu gukwīsa, undūngu ukufuma ugu gukwīsa, go lilino; i lya 7, une mbagisēnie ukuya mu—mu Dallas, Texas, ku Voice of Healing Convention. Kangi ikilo kya kuyoba kwāngu po pa lya 7. Kangi polelo une ngugomokela, ukubūka kula mu Idaho nu Nkundwe Arganbright kangi na ba Christian Business Men. Kangi lumo nguyaga ni kilo kimokyēne ku Minneapolis, bo uswe tukāli ukusōkāpo. Kangi polelo ikyākulya kimokyēne ikyabulēmbūke kya ba Christian Business Men.

21 U Ntwa itikisye, Pandungu apa pikwisa kulubunju une ngulonda ukuya ngomokile apa pa kipanga kangi, kangi linga ikyo kyakwitikisigwa nukuya bwigane bwa Ntwa. Kangi une ngulonda ukuyoba pa ntu gwa *U Kafulafumbi Nkati Mu Mbelo*, linga u Ntwa iganile. Ikyene kikuboneka ukuya pa ndumbula yangu, undungu gosa.

22 Kangi ulubunju ulungi, naloli ndubunjubunju, kifuki isala ya buna ndubunju, une ndinkusumuka nukulyaga ilinogono ili, "Iisiku lila pa Kalivari." Kangi une ngulonda ukuyoba pa ikyo, ulubunju ulu: *Iisiku Lila Pa Kalivari*.

23 Kangi lilino ku bubale ubu, unko uswe tusanuke lilino mu Mabangeli gtu, mu Lisimbo, kwa Nongwainunu ya Mwikemo Matai, pantu gwa 27. Kangi uswe twisakwandaga ni linandi lya 27 nukubala akayabo ka Lisimbo ili, ukwegapo ulwalo lwitu, polelo uswe twisakwanda nakalinga itolo. Kangi ukufuma bubombelo bwa bulumbilili, polelo uswe tukuyaga nu lwiputo ku babine.

24 Kangi, o, ukufuma pa kabalilo aka kakindaga apa, itolo ukutwala ukugomokesya, kangi ukufwanikisya kwa butumigwe bwangu bwa luko lupya. Une nali nago amabuketi gakugomokela mungi ukukindapo ukufuma ku lukomano lula ukukinda mumo une nguyila nago mu kabalilo kalikosa akatali.

25 Kilipo ikindukimo ikya kufwana, ukuti ugwe kufimbilisigwa ukufikila u mundu, kisita kupasya fyo filinga ifikindakipeligwa fikunangisigwa. Loli, muketile, ulubumbulusyo lukufimbilisigwa ukuya pa lwitiko lwa mundu pamwene. Lilino, linga u mundu pamwene ali nu lwitiko . . .

26 Kangi abene bikuketa, ngati, bo yu Mbepo Mwikemo ikubuka pa kilundilo kangi ikuyoba, "*Kyakuti-kyakuti* ifindu fyabonike. Kangi, nukutu, ugwe gwe *yakuti-na-yakuti* ingamu. Kangi ugwe kufumila ku *bwakuti* ubuyo. Kangi *ikyakuti* ikingi iki ugwe ubobile. Kangi ikyene kisakuya nu *iyi* injila." Kangu nukuketa kyosa kya ikyene kikuboneka itolo mu njila yila!

27 Pope, yumo, itugesye pala, abagile ukuketa mmwanya nukuyoba, "Yula abagile ukuya Kyala. Une ngwitikisya ulubumbulusyo lwangu."

28 Loli, mbuyo mwa kila, yumo yula ikuyoba, "Ala amaboko pa une kangi nyiputila une, ukuti une nisakubumbulusigwa." Loli umo mo mumo uswe tumanyisigwe kuno kwa America, kangi, popapo, ukwitika ikyo. Kangi ikyo kyo naloli Kyammasimbo.

29 Loli lilino uswe tukwaga, mu Africa na mabuyo amakindane, itolo kileka ikindukimo bo kila kiboneke, ikilundilo kyosa kikufikila palapala pa mwanya ka kabalilo kamokeney, bikwitikisya ulubumbulusyo lwabo, panongwa yakuti abene bakamanyisigwa nakimo. Muketile? Abene bakamanyisigwa bope nulubumbulusyo. Kangi polelo akabalilo kako abene

bikukibona ikyo, abēne bikumanya ukuti aliko Kyāla uyu mūmi. “Kangi linga Umwēne mūmi, Umwene—Umwene yo gwapamwanya, kangi Umwene—Umwene ikubumbulusya.” Kangi ikyo kyo kyēne, panongwa yakuti ulwālo lusalile lwāligwe, inyālo, ukuti Umwēne yo mbumbulusi, kangi ikubumbulusya abāndu. Polelo akabalilo kako abēne bikukēta u Kuyapo Kwāke kukubōmbēla ukwisila mu Kipanga Kyāke, polelo abēne bikuyoba, “Ikyo kyo kyene. Ikyo kyo kyosa iki uswe tukufūmbwa.”

³⁰ Lōli uswe tumanyisigwe “ukwala amaboko pa Babine,” ni findu bo ifyo. Fyobene ikyene kitikubombag’imbombo mwa America uyu.

³¹ Lilino, kumbukilaga, Pandungu ugu gukwisa kulubunju, u Ntwa itikisiyege, Nkundwe Neville isakufumusya ikyene, ena. Kangi . . . i . . . *U Kafulafumbi Nkati Mu Mbelo.*

³² Lilino, une nabapaga umwe akabalilo kanini ukusanuka mu Masimbo ginu, kwa Matai 27. Unko uswe twande ukubala ku—ku linandi lya 27, lya Mwikemo Matai. Lilino unko uswe tupilikisye kifuki ku bubale.

Kangi abasikali ba ndagili balinkmmwege Yeso nkiyumba kya kilundilo, nukubungania ku mwene ikibugutila kyosa kya basikali.

Kangi balinkumfula umwene, nukumfwika umwene unselekesye unkesefu.

Kangi akabalilo kako abene bo balukile ingiga ya mifua, abene balinkuyibika iyene pa ntu gwake, kangi ulutete mu kyake. . . ikiboko: kangi abene balinkufugamo ikifundo pankyeni pamwene, nukummugila umwene, bikuti, Fyusigwaga, Mwalafyale gwa baYuda!

Kangi balinkufunya pa mwene, nukwegu ulutete, nukuntika umwene pa ntu.

. . . ukufuma pa kuti abene balimmugilile umwene, abene balinkwegu unselekesye ukusosyapo pa mwene, nukumfwika pamwanya imyenda gyake gyene pa mwene, nukundongosya umwene ukusokapo ukwakunkomelela umwene.

Kangi boa bene basokaga panja, abene balinkummwaga unnyambala gwa ku Kilene, Simoni i ngamu: yula balinkumfimbilisya ukupimba ikipinga kyake.

Kangi akabalilo kako abene bafyukile kumwanya, babukile ku buyo ubu bwakoleligwaga Goligata, uko ko kuti, ubuyo bwa lupaya,

Abene balinkumpa umwēne ubusase ubu
bwālyongénanike na kayongo: . . . bo umwēne ōnjile
ukufuma mu bula, umwēne alinkusita kunwa.

Kangi abēne balinkunkomela umwēne, nukutafulania
imyēnda gyāke, nukubōmba ubulagusi: ukuti ikyēne
kibagile ukufwanikisigwa iki kyāyobigwe nu nsololi,
Abēne bayabene imyēnda gyāngu pakati pa bēne, kangi
pa fyākufwāla fyābe abēne balinkubōmba ubulagusi.

. . . bitūgésye pāsi abēne balinkunkētésya umwēne
pala;

Kangi balinkubīka . . . pamwanya pa ntu gwāke
ubustake bwāsīmbigwe, UYU YO YESO U
MWALAFYÁLE GWA BAYUDA.

Polelo pala bālipa abahiyi bakomelígwe nu mwēne,
yumo ku kiboko ikililo, kangi uyūngi ku kimāma.

Kangi abēne—abēne aba bakīsaniága balinkunkemela
umwēne, bikupugusa imitu gyābo,

Nukuyoba, Ugwe gwe gwābongotwile i tempeli,
nukuyēnga iyēne mmasiku matatu, ipoka gwīmwēne.
Linga ugwe ubagile ukuya Mwanundumiana gwa
Kyala, sulukaga ukufuma pa kipingika.

Mulamula bōpe abapūti abakulumba bikummūgila
umwēne, na bāsīmbi na bakulumba, balinkuyoba,

Umwēne āpokile abāngi; yumwēna akabagila
ukwīpōka. Linga umwēne yo Mwalafyāle gwa Israel,
unke umwēne asuluke ukufuma pa kipīngika, kangi
uswe twisakumwītika umwēne.

Umwene āsubilaga mwa Kyāla; unke umwēne lilino,
linga umwēne isakumpokaga umwēne: kabuno umwene
ātile, Une ne Mwanundumiana gwa Kyāla.

Abahiyi bōpe, aba bakomelígwe nu mwēne,
balinkubikāmo silasila mmimo gābo, mmimo gāke.

Lilino ukufuma isala ya buhano-na-yimo kulinkugwa
ingīsa pamwanya pa kīsu kyōsa mpaka ku sala ya lwele-
na-yimo.

Kangi kisuki isala ya lwele-na-yimo Yeso alinkukūta
ni lisyu ililāte, ikuyoba, Eli, Eli, lamabachtani? uko
ko kuti, Kyala gwāngu, Kyāla gwāngu, nongwa ya fiki
ugwe undāgile une?

Bamo mwa bēne aba bālīmīle pala, akabalilo kāko
abēne bāpilike ikyo, balinkuti, U nnyāmbala uyu
ukubilikila Eliya.

Kangi nukutalula yumo . . . alinkubopa, nukwēga
ikiyofuyofu, nukukiyubika ikyēne mu siki, nukukibika
ikyēne pa lutete, nukumpa umwēne ukuti anwe.

Abāngi balinkuti, Unko ayege, unku uswe tukēte kali Eliya isakwīsāga nu kumpoka umwēne.

Yeso, akabalilo kāko umwēne ākutile kāngi ni lisyu ililāte, alinkupa unsyūka gwāke.

Kangi, kēta, ikikīngo kya tempeli kilinkulepukana mbubili ukufuma ku mwānya mpaka na pāsi; kangi ikīsu kilinkusenendela nalōli, kangi amalyālabwe galinkubongotoka;

. . . amapūmba galinkwīgūka; kangi imibili mīngi ga bīkēmo aba bāgonile balinksumuka,

Kangi balinkusōkamo mmapūmba ukufuma pa busyūke bwāke, kangi balinkubūka nkaya akīkēmo nukubonekela ku bīngi.

Lilino akabalilo kāko unkulumba gwa basikali mia, na bēne bābo bāli pala nu mwēne, bikunketelela Yeso, balinkukibona ikisenyenda, kangi ifindu fila ifi fyābōmbīgwe, abēne balinkutīla fiyo, bikuyoba, Nalōli uyu āli Mwanundumiana gwa Kyāla.

³³ Unko uswe twīnamisye imitu gytu pakabalilo akanandi itolo ku lwiputo.

³⁴ Ntwa, uswe tumenye ukuti Ugwe gwe Kyāla. Kangi ikyēne. . . Ukufuma pakubala ilisīsyā kangi ilīkēmo i Lisyu, uswe tukāli tubagīle ukukēta ukuti akayīlo Kāke kakāndukamo mma. Ugwe bwīla gwe Kyāla. Kangi ikyēne kikuboneka ngati u Yeso yula ayaga nsitakuya nu butūli bulibōsa, ukuti Umwēne ālyégīgwe na maboko amabibi kangi ākekīgwe ntupatu, nukuswēlāpo, nukummūgīla, nukutulīkīgwa pa kipīngīka, ukusōk’īlopa, ikufwa. Kangi kyābonekaga ngati bukālipo nubutūli nabumo, nakumo, mpaka yōpo Umwēne alinkukūta, Mwēne, “Kyāla Gwāngu, Kyāla Gwāngu, nongwa yafiki Ugwe undāgīle Une?”

³⁵ Lōli, Ugwe kubōmbela nkabalilo kakuti akabalilo kāko nakimo ikīngi kibagīle ukubōmbēla. Uswe tupegīgwe ukumanya, Ntwa, ukuti linga uswe tuli ni fisoko filifyōsa ifi uswe tukabagila ukuloboka, linga uswe tuli ni fyāmba filifyōsa ifi uswe tukabagila ukubūka ukukīndilila, Kyāla yo kalyoto mu kubōmba ifīndu ifi abāngi bakabagīla ukubōmba.

³⁶ Ugwe yogwe kalyōto, pa mbombo, namanga Ugwe gwāmēnye inongwa ya lisiku lila pa Kalivari. Ugwe, ukuya Kyāla, unsitampaka Yula, gwāmēnye isala iyi yābagīle ukwīsa. Lōli akabalilo kāko iyēne yafwēne, polelo Ugwe gwānāngīsye Ugwe gwāli Kyāla. Ugwe gwānāngīsye Yūyo āli bwāna. Ugwe gwayūgēnie ikīsu, kangi abīkēmo aba bāgonile pāsi mu mfu bikwīsa pānja. Ugwe gwāsīmīsye ilisuba nkilo, ukuya ngīsī ya nkilo, ukunāngīsya ukuti Ugwe gwāli Kyāla. Lōli Ugwe gwābonekāga ngati uli kimyemye akabalilo kōsa kala.

³⁷ Unko uswe, ukufuma mu iki, twēge inōngwa iyi, ukuti, akabalilo kōsa uswe tukwēnda mwa Mbepo, ndōngosigwe ni kuboko kya Kyāla, kisitakupasya iki kikuboneka ukuya kisobi, pōpe uswe tukukēta Kalivari; Kyāla isakuyoba mu sala indalusye, pa kabalilo akatalusye.

³⁸ Lilino, Tāta Kyāla, uswe tubagile ukusuma uluhobokelo ulwa mbibi syītu kangi ingilano syītu. Uswe tubagile ukusumila Mbepo Mwīkēmo ukulōngosya uswe. Tulōngosyāga uswe, mūmo i Ngungubiya yalongosisye u Kang’osi. Unko uswe tuyege bākupilikila ku kilikyōsa iki kibagile ukutugwila uswe, tumenye iki, ukuti Kyāla ikubomba ifīndu fyōsa kanunu, kangi amenye ukuti ikyēne kisakuyaga kanunu.

³⁹ Yaga na uswe umwīsyūgu mbubombelo ubu. Uswe tukusuma ukuti Ugwe kwisakupokāga bala bābo bali nkayilo aka kupokigwa, kangi bikulōndesya ubupoki. Isuya bala nu Būmi Bwasyēpwa, bābo bikulōndesya bo ikyo. Uswe tukusuma ukuti Ugwe kwisakubūmbulusyāga bala bābo babine kangi bāmbūngo, bikulōndesya ulubūmbulusyo. Kangi uswe twisakukutūfyāga Ugwe panongwa ya ikylene. Uswe tukusuma ikylene mu Ngamu ya Mwanundumiana Gwako, Mpoki gwitu, Yeso Kristi. Amen.

⁴⁰ Lilino, mu kuyobela kwa lubunju ulu, uswe tukunyonywa ukukōléla ku butegambulukutu ku busimbe ubu une nsalile ukuyobelapo: *Ilisiku Lila Pa Kalivari*.

⁴¹ Ikyene kikuboneka ngati ikyene kikuyaga panini panja pa bukye; iki kibagisēnie ukuya pa Kihano Ikinunu. Kalivari abagile ukukumbukilīgwa ilisiku lililyōsa. Kangi uswe tupilike ifingi fiyo ifya ilyēne, tubalile ifingi fiyo ifya ilyēne. Abalūmbilili balūmbilile pa ilyēne, ukufuma pa bwāndilo bwa kabalilo. Abīmbi bīmbile pa ilyēne, ukukīndamo mu ngulilo. Abasololi bāyobile-ngāni ikyēne, ifyīnja maelifu mana bo kikāli ikyēne ukubonekāmo siku. Kangi abasololi ba lisiku ili bikusosola kunyuma kūko bo ilyēne lyābonīke nalōli. Ilyēne lyo lisiku ilinunu fiyo! Ilyēne lyo limo mwa masiku amanunu mwa masiku gōsa aga Kyāla ālitikusyēmo siku ukupānda pa kīsu.

⁴² Kangi linga ilyēne lyo linunu lūlo ku luko lwa būndu, Kalivari, une ngwīnogōna ikyēne kyo linunu kwa uswe ukugomokela kunyuma nukukētēsya, ukukēta itolo iki ilyēne likusanusya kwa uswe. Namanga, une nsisimikīsyē, ku sala inyīle iyi ukuti uswe tukwītugala, uswe tukulōndesya ubununu bulibōsa ubwa Kyāla ubu uswe tubagile ukumanya. Kangi bōsa ubu uswe tukabagile ukubwāgānia, uswe tuli apa ukumanyila isya ubwēne, ukuketa iki kyo iki uswe, kangi iki Kyāla abombile kuli uswe, kangi keta iki Umwene aafingile ukuti ukubomba kuli uswe. Kangi ikyo kyo iki uswe tukwisila ku kipanga. Fyōbēne undūmbilili ikulūmbilila, fyōbēne umwēne ikufūnda nukwīnogonela mu Lisimbo, kangi ikulōndalōndela

ubupakígwe, yo fyōbēne umwēne yo gwāmbombo gwa filūndilo ku bāndu ba Kyāla. Kangi umwēne ikugela ukwaga ikindukimo iki kisa. . . iki Kyāla ikufimbilisígwāga ukuyoba ku bāndu Bāke, ikindukimo iki kibagile ukubatula abēne. Lumo, icyēne kibagile ukuya, kikubatobesya abēne mu ndumbula syābo, lōli kibagile ukuya butuli ukubafyūsya abēne mmwanya, ukuti abēne babagile ukutāga imbībi syābo nukufyūkila mmwanya ukumbombela u Ntwa. Kangi abalūmbilili bikufimbilisígwa ukulōndesya ifindu ifi.

⁴³ Kangi ilisiku ili, ukuya linunu fiyo, limo mwa masiku amakulumba ukukīnda, unko uswe tukēte ku fīndu fitātu ifikīndāne ilisiku lila likusanusya kwa uswe. Uswe tubagile ukwēga bamia. Lōli, ulubūnju ulu, une nsalile itolo fitatu ifikīndāne, ifīndu ifipala, ifi uswe tukulōnda ukufikētapo, ku tubalilo tunini utu tukukōnga, ifi Kalivari āsanusyāga kwa uswe. Kangi une ngusuma ikyo kisakutobesya untulwanongwa aligwēsa uyu alipo; icyēne kisakupela umwīkēmo aligwēsa ukubūka pa mafundo gābo; ikyo kisakupela umūndu aligwēsa umbine ukufyūsya ulwītiko lwāke kwa Kyāla, nukusōkapo, mbumbulusígwe; untulwanongwa aligwēsa, apokígwe; ungomokela-nyuma aligwēsa ukwīsa kāngi, nukuya ni soni pamwēne; kangi umwīkēmo aligwēsa, ukusekela, nukwegwa ubukolelele ubupya nu lusūbilo ulupya.

⁴⁴ Ikindu kimokyēne ikikulumba, ikipala iki Kalivari ikusanusya kwa uswe ni kīsu, kyo, icyēne kyabotīsyē ililālūsyo lya butulwanongwa, kamokene ku kabalilo kōsa. U nyāmbāla ālyāgígwe ntobesígwe isya butulanongwa. Kangi ubutulwanongwa bwāli bo lufūndo ulu u mūndu nayumo ābagile ukuhōmba. Ulufūndo lwāli lunywāmu fiyo mpaka akālipo na aligwēsa mma uyu ābagile ukuhōmba ulufūndo lula. Une naloliloli ngwitika ukuti Kyala āsayile icyēne injila yila, ukuti ulufūndo lwābagile ukuya lumwamu fiyo mpaka nu mūndu nayumo ābagile ukuhōmba, ukuti Umwēne ābagile ukubōmba icyēne, Mwēne. Lilino, ulufūndo lwa butulwanongwa bwāli bufwe. Kangi uswe tupāpígwe mbutulwanongwa, tubūmbígwe mbusambuke, twisile ku kīsu, tukuyoba ubusyōbi. Polelo pakalipo nayumo gwa uswe uyu āli gwakubagila, pamo, abēne balinkutoligwa ukummwaga nayumo pa kīsu uyu āli gwakubagila.

⁴⁵ Kangi ubutulwanongwa bakālyāndile pa kīsu. Ubutulwanongwa bwālyāndile ku Mwānya. Lusi-...āli... Lusifala, u mōhesi, āli kipelígwa kitobesígwe, panongwa ya busāmbūke bwāke, bo akāli umwēne ukutikāmo ikisu nasiku. Ubutulwanongwa bwālyāndile ku Mwanya, kūko Kyāla ābīkile a Bāndumi, na fyōsa bo ifyo, pa lwālo lūla ulu Umwēne ābīkile abāndu pala; ubumanyi, umpiki gwa bumanyi, u mpiki gwa Būmi kangi umpiki gwa bumanyi, kūko u mūndu abagile ukwēga ubukētésyo. Kangi akabalilo kāko

u Lusifala āpēgigwe ifyakukubwāndilo, ukutēndēka ulusalo lwāke, umwēne ālōndāga ikindukimo ikinunupo ukukīnda iki Kyāla ali nakyo. Ikyo kyo kyālyāndile ulutamio.

⁴⁶ Kangi pala kwālipo ukulālusigwa panongwa ya butulwanongwa. Ukulālusigwa kwāli bufwe. U bufwe bwāli bo buhōmbe. Kangi, ikyo ko kuti, uswe twābagile ukubūka mbusolofu ubukulumba bwa iki, panongwa yakuti une ndikwītika ukuti buliko lōli ubufwe bumobwēne. Bulipo u Būmi bumobwēne. Kangi une ngwītika unnyambala uyu ali nu Bumi bwa Bwilanabwila akabagila ukufwamo siku. Kangi une ngwītika kulipo ukuyōnga lōsa kwa moyo gula ugu gukōnānga, namanga i Bāngéle lyāyōbile, “U moyo ugu gukōngānga, ugwēne go nalolilōli gwisakufwa.” Komma u nnyāmbāla; “u moyo ugu gukōnānga.” Popāpo, Sētāno ikufimbilisigwa nalolilōli ukufwa, ukuya mbongotoke lōsa. Mūmo une ngukānikāna na banyakisukyōsa aba bikuti Sētāno isakupokigwa! Umwēne ātulilw’inongwa, kangi umwēne yo bwāndilo bwa butulwanongwa. Kangi u moyo gwāke gwātulilw’inongwa; kangi umwēne āli mbepo yimo. Imbepo yila yisakuyongesigwāga lōsa, ukuya nakimo kisyēlepo ikye iyēne.

⁴⁷ Kangi akabalilo kako ubutulwanongwa bwātikile ikīsu, ukugomokela ku bwāndilo, ngati ikikīngo ikya ngīsi kikugwa ukufuma ku myānya, ubwēne nalolilōli bulinkusisililisya ikīsu. Ubwēne bulinkusopa ikipeligwa kilikyōsa, pa kīsu, na kyōsa kya kipeligwa kya Kyāla, mbupinyigwa. U mūndu āli pāsi pa bupinyigwa bwa bufwe, bubine, lutamio, isulumanie. Ikipeligwa kyōsa kilinkugwa nu bwēne. Ubutulwanongwa bwāli go nkota gwākusisilikisya ugwe nalolilōli gwasililisye ikīsu. Kangi polelo uswe tukwitūgāsya apa, basitalusūbilo, ’nongwa yakuti ikipeligwa kyōsa pa kisu kyāli kyakwīlāmbika ku bwēne. Kangi aligwēsa āpāpīgwe pa kisu āli kyakwīlāmbika ku bwēne.

⁴⁸ Popāpo, ubwēne bwāfimbilisigwe ukwīsa ukufumu ku Buyo bumo kūko bukāliko nu butulwanongwa nabumo. Ubwēne bukābagile mma ukwīsa ukufuma ku kīsu. Yumo mwa uswe akābagile ukutabula unnīne. Ubwēne bwāfimbilisigwāga ukufuma ku Yūngi.

⁴⁹ Polelo, akabalilo kāko a mūndu āsyāgéne ukuti umwēne āpaguligwe ukufuma kwa Kyāla gwāke, umwēne alinkuya mbēti. Abēne balinkukūta. Abēne balinkulila. Abēne balinkusukulika. Abēne balinkubēta ukusyūngutīla, ukukīnda mfyāmba kangi ukukīnda mfilangalanga, bikulondolonda a Kāya kāko unjengi nu mpeli āli Kyāla. Kabuno, umwene amenye ukuti linga umwene āgomokīlémo siku mu Kuyapo kwa Kyala, umwene abagile ukupoka ikyene nu Mwene. Lōli yikālipo injila nayimo ukugomokela. Umwēne alinkuya njōnge. Umwēne akāmēnye yo njila nki iyakusanukilako, popāpo umwēne itolo alinkusōka pānja, ukubēta, ukugela ukwāga pa buyo bumo apa umwēne

abagile injila ya kugomokela ku Buyo bula. Ikindukimo nkati pa umwēne kyālimbūlile umwēne ukuti umwēne ālisīle ukufuma ku—ku Buyo ubu bwāli bupelelesye. Akayapo nayumo u mūndu apa nkilundilo ikyakuboneka iki, ulubunju ulu, pamo nkilūndilo ikya tepi ya magneto, kūko iyēne yisakubūka ukusyūngutila ikisu, akayapo nayumoywēne ntiga apa, pamo kulikōsa, lōli yūyo ikulōndalōnda ubupelelesye bula.

⁵⁰ Ugwe kuhōmba ifyakumeleligwa fyāko, ugwe kwīnogona, “Ikyo kyo kikumasya ikyēne.” Akabalilo kāko ugwe gwāhōmbile ifyakumeleligwa fyāko, polelo alipo umūndu yumo mbine mu nyūmba yāko. Akabalilo kāko ububine bukuya kanunu, polelo na yoye kuya nafyo ifyakumeleligwa fingipo ifyakuhōmba. Ikindu kyākwānda ugwe umēnye, inywīli syāko sikwāndūka mbuha, kangi polelo ugwe kulōnda ukugomokela nkeke. Kangi kilipo ikindukimo akabalilo kalikōsa, kingikingi, kangi panongwa ya liyiga lila ilya butulwanongwa. Loli mu ndumbula yako, panongwa yakuti ugwe kulōndesya kila, ikyēne kikunāngīsyā ukuti bulipo u Bupelelesye kumo. Kumo, kuliko ikindukimo.

⁵¹ Fyōbēne, utubalilo twīngi, umwīsyūgu, fikuti untulwanongwa akāli ikwēmbēla palipōsa. U mmogi, undindwana unkeke isakutumula ififūndikīlo fya nywīli syāke, ukuya mfumuke; ukufwala imiyenda ukunāngīsyā umwēne ukuboneka mmogi; ukufwala imiyenda ukunāngīsyā ububūmba bwa būndu bwāke. Panongwa yakuti, ikyēne kyo kyēne ikindu iki umwēne abagile ukwāga, ukwāga kubuyobumo ukugela ukwaga ikindukimo ukugomokela ku mwēne, akabalilo kāko umwēne abagile ukupela abanyāmbala ukupya ku mwēne, ukuyugānia amaboko ku mwēne, nukulēngūka ku mwēne. Abanyāmbala abakeke bisakubōmba ikindu kilakila ku nkīkūlu, ukugela ukwipēla mwēne mmogi ku mwēne. Abapalamani bisakuyēnga i nyūmba, nukuyitēndekesya iyēne mu njila yimo, panongwa yakuti iyēne yisakuboneka nnunupo ukukīnda ubuyo bwa mpalamani. Ikyēne kyo kabalilo kōsa, uswe tukulōndesya ikindukimo, kangi ikindukimo kikūmulisya ukubūka itolo panini pamwanya pa kyēne. U nkīkūlu unkeke isakwāga uyūngi unkwīkūlu unkeke yoye mfumuke bwīngipo ukukīnda umwēne. U mpalamani isakuyāga inyūmba iyi yikuboneka kanunupo ukukīnda iyāke. Unkwīkūlu isakwaga unkwīkūlu uyūngi afwele mu njila yimo, iyi yikuboneka kanunupo ukukīnda mūmo umwēne ikubonekela.

⁵² Ikyēne kyo kindikummo mwa uswe, iki kikulōndesya panja kuli ikindukimo, kangi ikyēne kikunangisya ukuti uswe tuyōngile. Uswe tukulōnda ukwāga ikindukimo kila kīkyo kisakutwāla uswe ku bwīkutile bula, ubu bwīsakwāga akabuyo ka njala nkati mula, lōli kikuboneka ngati uswe tukabagila ukuyāga ikyēne. Abāndu bāgelile ikyēne ukukinda mu ngulilo. Abēne balinkulilila ikyēne. Abēne balinkukūta. Abēne bābōmbile kilikyōsa iki abēne bākimenye akabōmbelo kāke,

lōli pōpe abēne bakakyāgile icyēne, bikwēmbèla palipōsa ukukīndamo nkīsu.

⁵³ Kubumalikisyo, ilisiku limo, ilyo lyo lila ilisiku lwa Kalivari, ālipo Yumo āsulwike ukufuma ku Lwīmiko. Yumo, ni Ngamu ya Yeso Kristi, u Mwanundumiana gwa Kyala, Yūyo ālisile ukufuma ku Lwīmiko, kangī Kalivari alinkubūmbígwa. Lila lyāli lyo lisiku ili untēngo gwāhōmbígwe, kangī ililālūsyō lya butulwanongwa lyabotesígwe kwa bwilanabwila. Kangī ilyēne lilinkwīgūla injila ku kīndu iki kīkyo uswe tukuyīla ni njala ni kyūmilwa. Ilyēne lyātwēle u buyo bwa bwīkutisígwe. Akayapo nu mūndu nayumo uyu ayātilamo ku Kalivari siku, nukunkēta mūmo umwēne ayīlīle, uyu abagile ukuyamo yulayula. Kilikyōsa iki umwēne ānyonywa ngamo siku pamo ukwīsyūkila, kyafwānikisígwa, akabalilo kāko umwēne ikufika ubuyo bula.

⁵⁴ Ilyēne lyo lyāli lyo limo ilisiku ilipala, kangī kimo kyo kīndu ikipala, ilyēne lyāyūgēnie ikīsu. Ilyēne lyāyūgēnie ikīsu, ngati icyēne kikasenyendilemo siki pabutasi. Akabalilo kāko Yeso āfwīle pa Kalivari kangī āhōmbīle ililālūsyō lya butulwanōngwa, ikīsu kyabutulwanongwa iki kyāli ni ngīsi pōsa. Ilisuba lilinkusuluka pāsi pakati pa lisiku, ilyēne lyāli nu kwīlāmbika ukwālutēnde. Kangī amabwe galinkusenyendeka, ifyāmba filikulepuka, kangī imibili imifwāno gikupufuka ukufuma mwīpūmba.

⁵⁵ Ngimba icyēne kyābōmbīle fiki? Kyāla āsingile nkati, pa Kalivari. Umwēne āfulēsye ikinyamana kila, kikukōlelígwa Sētāno, kubumalikisyo. Lilino umwēne ayīle ngāsi fiyopo ukufuma akabalilo kala, panongwa yakuti ilyēne lyātwēle u Bwēlu ku luko lwa būndu. Kangī aligwēsa amēnye ukuti ikinyamana ikifulasígwe kikuya kigāsi ukukīnda, kikwāfūla ukusyūngutīla ni nyuma yāke yikonywike. Lilino, Setano ikomígwe lōsa, pa Kalivari. Ikīsu kyāsisimikīsye ukuti icyēne kyāli.

⁵⁶ Untēngo unkulumba ukukīnda ugu gwāhōmbígwēmo siku, yu Mwēne ntiga uyu ābagile ukuhōmba ugwēne, alinkwīsa nukubōmba icyēne pa Kalivari. Pala po pāpo untēngo unkulumba ukukīnda gwāhōmbígwe. Kila kyāli kimo mwa fīndu. Kyala ālōndāga ugwēne. Nayumo unnyambala āli gwakufwānamo. Nayumo unnyābāla ābagile. Nayumo umundu ābagile ukubomba icyēne. Kangī Kyāla alinkwīsa, Mwēne, kangī āpelígwe ukuya mūndu, kangī alinkwitūgala ubūmi bwa mūndu, pāsi pa finyonywo fya mūndu, kangī ākomelígwe pa Kalivari. Kangī pala, akabalilo kako Setano inogonaga ukuti Umwene akābagile ukubomba icyo, Umwēne akabagile ukukīndamo mu kyēne, Umwēne ākīndilēmo mu Getisemani nu lugelo lulilōsa unnyāmbala aligwēsa ālikifyēmo siku. Umwēne ābūkilēmo mu kyēne itolo ngati banyāmbāla bōsa, lōli Umwēne āhōmbīle untengo.

57 Kangi ikyo kyo iki kyangitwisye ikisu lōsa. Kyāli ngati nkota gwakusililisa, ku bupanje. Akabalilo kāko ungānga ikupa ikyakusililisa, umwēne ikyākwānda ikusilisa umwēne lōsa, bo akāli umwēne ukubagila ukubōmba ikyēne. Kangi akabalilo Kyāla āpēle u—u bupanje kuli i Kipānga, ikisu kyālyāmbilile ikyakusililisa, ikipeligwa kyāli ni figili. Yo nongwa! Kyala, mu mbili gwa bundu, āfwaga. Iyēne yāli sala iyi ikisu kyālōndīsye, na pāpo bīngi ba bēne bakiyimēnye iyēne.

58 Mūmo ukwēne kuyilile umwīsyūgu, bīngi balōndēsīsye ifindu ifi, kangi na pāpo abēne batikusyāgānia isyēne. Abēne batikuyāgania injila yākusōkēla. Abēne bikugela ukulōndēsya ifyakusangalusya ni findu fya nkisu, ukugela ukuyāga injila yābo iyākusōkēla.

59 Fyālipo pala, fyāyilēpo ifipānda fyafimanyilo ifi fyāsōlile ku lisiku lila, gīgīngi imisyungulu-pabutasi imikulumba. Ikyēne kibikigwe unsyūngulu pankyeni na kang’osi, ni ngwāta, ni ngunde, na fyosa ifindu ifi, lōli na pāpo ikyēne kilinkutoligwa ukwīgula ikyēne. Ikyēne kilinkutoligwa ukubongotola ubukamande bwa bufwe bula, kūko Sētano āli nabo ikisu.

60 Galagala amalyālābwe aga akabalilo kamo umwēne ēndāga, pamwanya-na-pāsi pa kisu, sufule impyano! Lisifala āli mwanundumiana gwa lubunju, kangi umwēne endendekāga pa kisu akabalilo kāko ikyēne kyakāga umogēsyo gwamoto. Imilyālābwe gilagila igi gyābotile, akabalilo kāko Yeso āfwile pa Kalivari, gilinkutēkigwe pānja pa kisu.

61 U ntēngo ugu gwāhōmbigwe, kangi ubupinyigwe bwa Sētano bwalatuligwe. Kyāla alinkubika ukugomokesya mmaboko ga mūndu, injila ukugomokela ku iki umwēne akilōndalondāga. Umwēne akafimbilisigwāga ukulila kangi mma. Ukutika, akabalilo kāko Umwēne ākonywile inyuma ya nsana ya Sētano, pala ku Kalivari, unyuma ya nsana gwa butulwanongwa, ugwa bubine! Kangi ikyēne kikutwāla kilikyōsa ikīndu kyakufwa, pa kisu, ukugomokela mu Kuyapo kwa Kyāla, ni mbibi sihobokeligwe. Haleluya! Imbibi syitu sihobokeligwe. Nakamo kāngi Sētano akabagila ukutusimisa uswe ukufuma kwa Kyāla.

62 Gulipo unsebwe unywāmu gupeligwe. Yilipo i telefoni yibikigwe pala. Lulipo ulugoyw lwa Lwīmiko, lukutwāla umūndu aligwēsa kubufikilo lwa lugoye lula. Linga u mūndu iswile nu butulwanongwa, ulwēne lukumulūngisya umwēne mula pa kati. Umwēne abagile ukuhobokeligwa isya butulwanongwa bula. Kyene kila mma, lōli ubutulwanongwa bula buhōmbigwe. O! Ugwe utikulōndigwa ukuyoba, “Une ngaya gwakufwana.” Nalōli, ugwe ukaya, ugwe ukabagilēmo siku ukuya. Loli ugwakufwana Yumo ālyēgile ubuyo bwāko. Ugwe gwe mwābūke. Ugwe utikufimbilisigwa ukwēmbēla

mma. Ugwe utikufimbilisígwa ukuya mündu ndondesya-fyakusangulusya panja pala pa kisu.

Kabuno yilipo i Nyibuko yiswile ni Lopa,
Yikwabigwe ukufuma mu Ndepa sya
Immanueli,
Kũko abatulanongwa bikwiyubika pasi pa
mõgésyo gula,
Bikutága innõna syõsa isya butobesígwe.

⁶³ Ugwe utikufimbilisígwa ukuya njõnge. Gulipo unsebw-
unywãmu, kangi i Njila, kangi iyène yo yikubilikígwa Njila
ya bwíkemo. Unsitakwêluka atikukilania pamwanya pa yène.
Namanga, umwêne ikwisa ukwisila mu nyĩbũko, tãsi, kangi
polelo umwêne ikwĩngĩla mu nsebw-unywãmu.

⁶⁴ Umwene alinkulasulania amaka ga Sétáno. Umwêne
ãligwile ififigo fya bamminyololo fya gehena, kuli mündu
aligwesa uyu ãligaliligwe, nkisu iki, mu nyumba syaminyololo,
ukutila ukuti akabalilo kãko umwêne áfwile, iki ubufwe
bukuyaga ku mwene. Pa Kalivari, Umwêne ãligwile ififigo
fya mminyololo fila, ukundeka unkamandigwe aligwesa
abũkége mwãbũke. Ugwe utikufimbilisígwa kangi mma ukuya
ndasuligwe pãsi nu butulwanongwa. Ugwe utikufimbilisígwa
kangi mma ukulãmbika imbakasya syãko ku butulwanongwa,
ukunwa, ukukwesa, ukulagusa, ukuyoba ubusyobi. Ugwe
ubagile ukuya mwanaloli-ndumbula, ngolofu, kangi mwikígwa.
Kangi Sétano abagile ukubõmba nakimo isya ikyène, panongwa
yakuti ugwe uli nu bukãmãnde bwa lugoye, u lugoye-lwa-
Bũmi ulu lo lukimisígwe mu Lyãlabwe lya Ngulilo. Nakimo
kibagile ukukuyugãnia ugwe ukufuma ku Lyène. Nagimo
imibelo gibagile ukukuyugãnia ugwe ukufuma ku Lyène. Umma
nakimo, komma na bu bufwe bõpe bwêne, bubagile ukutupãgũla
uswe ukufuma ku lugãno lwa Kyãla ulu luli mwa Kristi yeso.
Ikyo kyo iki Kalivari ãsanusyãga.

⁶⁵ Abãndu aba bãli mminyololo bãlyãbulígwe. Abãndu aba
akabalilo kamo bãli pãsi pa lutẽnde lwa bufwe babagile
ukusitakutũla ubufwe kangi mma. U mündu uyu ikusyũkile a
Kãya, yũyo unjengi nu mpeli gwãke, Kyãke, umwêne abagile
ukukanya pa nsebw-nywamu, nukubika ikişyo kyãke kubwa
ku Mwãnya, panongwa yakuti umwêne yo mwãbũke. Haleluya!
Umwêne yo atabulígwe. Umwêne atikufũmbwa ukwẽmbela
kangi mma, kabuno yilipo injila iya kumanyila kali ugwe
utalwĩsyeyo pamo mma. Kyãla ikutupa uswe u Bũmi. Imbibi syĩtu
sikĩndile. Iisiku lila pa Kalivari lyãhõmbile untẽngo. Akabalilo
kãko uswe tukuketa kila, fyõbène umwãti ãsĩmbile:

Nkati mmilyãlabwe igi gikubaluka ni myãnja
igi gikugwa ingĩsi,
U Mpoki gwãngu alinkwĩnama untu Gwãke
kangi alinkufwa;

Ikikīngo icyākwīgūka kilinkusetula i Njila
 Ku sangaluko sya ku Mwānya ni lisiku
 lisitampaka.

⁶⁶ Abraham atikufimbilisigwa ukwēmbēla kangi mma, ukukilania ikīsu, ikulōndolōnda a kāya. Untulwanongwa atikufimbilisigwa ukuswīga kangi mma kali umwēne abagile ukupokigwa pamo mma. U mūndu umbine atikufimbilisigwa ukuswīga kali umwēne abagile ukubūmbulusigwa pamo mma. Ikikīngo kyākwīgūka, pa lisiku lila pa Kalivari, kyāsetwile i Njila ku bupōnjoli lōsa. Kyāla tupa uswe amaka ga Mbepo Gwāke, ukwītūgāla nubuponjoli pamwanya fyōsa ifindu ifi; ikutusūma uswe kwēne ku kwītika icyēne. Kila kyābonike pa lisiku lila ku Kalivari. Pakālīmo siku ilisiku bo lila. Patisakuyamo siku līmo bo lila. Iyēne litikulōndigwa kangi mma. Untēngo guhōmbigwe, kangi uswe tutabuligwe. Ndaga kwa Kyāla! Uswe tutabuligwe. Kikayapo kangi mma ugwe ubagile ukuswīgilapo. Kukayako ukusakisya kangi mma isya icyēne. Iyēne yo yōsa yisōsigwēpoy. Ikikīngo kyakwābile kunyuma icyākusiga, kangi uswe tubikigwe pa nswebwe-unywāmu, komma ukuswīga kangi mma, lōli ukwītika kangi itolo ukwēnda palapala nkyēni. Uswe tukwēnda mulamula nkati mu Kuyapo kulakula kwa Kyāla.

⁶⁷ Abraham āmenye, kangi abāngi bāmenye, ukuti akabalilo kāko abēne bālondalondaga a Kāya, abēne bāmenye abēne bāli ba kufumila Kubuyobumo. Ikindukimo kyābonike. Abēne bitūgasyāga nkisu ikisililisigwe. Abakasenyēnda balinkwisa. Imibelo gilinkwisa. Imibwite nu migogona! U kāmbwe na kang'osi balinkulya yumo pa nnīne, pamo u kāmbwe alinkulya u kang'osi, kangi ingalamu yikulya ingambako. Ukwēne kutikuboneka kutalusye. Kilipo ikindukimo kisobi. Umwēne āmenye kyālipo ikindukimo kyāli kisobi. Abāndu na bakundwe bikugoga unkundwe; tāta ikugoga u mwanundumian, umwanundumiana ikugoga u tāta. Kilipo ikindukimo kisobi. Umwēne ikukāngāla. Umwēne ikufwa. Umwēne ikukofoka ikubūka. Ububine buli pa mwēne. Umwēne ali mbupinyigwe. Imipiki gikukula, lōli gikaya misitakufwa. Igyēne gikufwa. Ifyāmba fikwānduka. Inyānja sikūma mōsa. Amīsi gikutoligwa. Kilipo ikindukimo kisobi. Kangi umwēne alinkulōndesya ubuyo, a Kāya kūko kila kikabonekaga kangi mma. Umwēne āmenye, linga umwēne ābagilemo siku ukugomokela mu Kuyapo kwa Yula yūyo āpelile icyēne kitalusye, umwēne ābagile ukupoka icyēne nu Mwēne.

⁶⁸ O, lo lusako luki, ntulwanongwa, ulwēne luli, ulubunju ulu, ukumanya ukuti ugwe ili nayo i Njila lilino. Ilisiku lila ku Kalivari lyālīgwiile i njila. Kabuno bōsa abatāta bala bafwīmīle nu kulōndesya, Kalivari ākipēle icyēne kwa ugwe, kyaitolo. Ngimba ubagile bulebule ukukipika icyēne? Ngimba ugwe ubagile bulebule ukukipika icyēne, ukwīngila

ikipānga-kipāgūke? Ngimba ugwe ubagile bulebule ukukipika icyēne, ukupyanyikisyapo ikindukimo panogwa ya kyēne, ifyakusangulusya fya kīsu? Nongwa fiki kusita kukyitikisya icyēne? Ikikīngo icyākwiḡūka kikutwāla u mūndu kulakula ukugomokela mu Kuyapo kwa Kyāla, kisita butulwanongwa pa mwēne, ulwa luko lulilōsa. Kangi ikubika unsebwē pankyēni pa mwēne, ku kīndi kila iki umwēne ikulōndēsya: Kumwanya, lwīmiko, lutēngāno, Būmi Bwabwīlanabwila, kilikyōsa palapala pankyēni pa mwēne.

⁶⁹ Ilisiku lila lyāli bu—bu ng'ape bwabufwe ku maka ga Sētāno. Ilyēne lyāmasīsyē kilikyōsa.

⁷⁰ Kangi une mbagile ukumbona Umwēne pala; Umwēne āli yo kang'osi gwa Edeni, ukufuma ku nsyūngulu gulagula ugwākwānda ugu gwālisile ukufuma ku yēne.

⁷¹ Akabalilo kāko Abelo, nu lwītiko, āpēle kwa Kyāla ilikemo ilikīnde pabunywāmupo ukukīnda Kaini, umwene abagile ukuti apinyile u—u mpesa gwa mafilu ukusyungutila ilikosi lya kang'osi, ukunkwabila umwene ku lyalabwe. Alinkwega i—i lyalabwe nkiboko kyake, ukuya kyakulasila, nukukwaba untu gwake unnini kunyuma, nukutumula nukukekania umwene mpaka umwene afwile. Kangi ulusyoya lwake lulinkosigwa mwilopa lwake mwene. Umwene alinkugalabuka mu lilopa lyake. Ugwene gwali nsyungulu.

⁷² Loli pa lisiku lila ku Kalivari, kakalipo a kang'osi ka kisu iki, loli akene kaali Kang'osi gwa Kyala, uyu afwaga, ukwibungulusya mu Lilopa Lyake Mwene. Umwene akegigwe, nukutumuligwa, nukutikigwa, nukusweligwa mata, nukusopigwa, nukung'api/gwa, na kilikyosa, ni kisu, kangi i Lilopa likutōnya ukufuma mu fifundiko Fyake.

⁷³ Akabalilo kako akang'osi ka Abelo kafwile, akene kafwile, kakuyoba mu njobelo iyi Abele abakagile ukupilikisya. Akene kakolomaga.

⁷⁴ Kangi akabalilo kako Kang'osi gwa Kyala afwile pa lisiku lila ku Kalivari, Umwene ayobile i njobelo iyi nayumo abagile ukumpilikisya Umwene. “Kyala Gwangu, Kyala Gwangu, nongwa yafiki Ugwe undagile Une?” Akene kali Kang'osi gwa Kyala, akegigwe ku tuyabo, atumuligwe mosa.

⁷⁵ Umwene ali yo Kang'osi yulayula uyu Abelo ali nagwe mu linogono, akabalilo kako umwene alubwene u Luyungu ulufingigwe ulwa nkikulu. Umwene ali yo Kang'osi uyu Danieli aketile, uyu akegigwe ukufuma ku kyamba, kisita maboko. Umwene ali yo Gudumu pakati pa gudumu, ku nsololi. Fyosa ifi abene baketile-ngani kyafwene pa lisiku lila, ilisiku lila ku Kalivari. Ikyo kyatwele ikindu ikikulumba mula. Ikyo kyakonywile inyuma ya Setano.

76 Ikyakwanda, uswe tubagisenie ukulondesya iki ilisiku lila lyasanusyaga. Ikyabubili, uswe tubagisenie ukuketa iki ilisiku lila libombile kuli uswe, lilino, iki ilyene lyabombile kuli uswe. Lilino, ikyabutatu, unko uswe tukete iki uswe tukulondigwa ukubomba panongwa ya lisiku lila. Ngimba uswe tukulondigwa ukubomba fiki?

77 Ikyakwanda, uswe tukufimbilisigwa ukuketa mu lyene, kabuno ilyene lyo lisiku ilikulumba, ilikulumba ukukinda lya masiku gosa. Untengo gwa butulwanongwa gwamasigwe. Amaka ga Setano gakonyoligwe.

78 Kangi lilino uswe tukulonda ukuketa iki uswe tubagile ukubomba mu kugomola. Lilino, mu kugomola, akabalilo kako Yeso afwile ku Kalivari, pa Kalvari ilisiku lila, Umwene akahombile gu ntengo gwene mma panongwa ya mbibi syitu, loli Umwene kangi ahombile untengo nukupela injila yakuti uswe twabagile ukukongesya Umwene; kabuno uswe, ukuya baAdamu abagwe aba batabuligwe. Bo u Mbepo alongwisye Adamu (Adamu gwakwanda) ukwisila mwa Mbepo, uyu ali nu bulagili bwa kipeligwa kyosa, polelo uswe (Adamu gwakibili), pamo abanyambala ba kisu batabuligwe na Kristi, ukufuma pa lisiku lya Kalivari, tubagile ukunkonga Umwene. Lilino, akabalilo kako Umwene afwile ku Kalivari, Umwene apelile i njila. Umwene apele mmwanya u Mbepo, Mbepo Mwikemo, uyu atumile Ikyene ukugomokesya ku kisu, kuli ugwe na une ukuya nubumi nakyō. Ikyo kyo iki Kalivari ikusanusya kwa uswe, ukunkonga Umwene.

79 Ikyākẁànda, kēta mu lyēne, kēta iki ilyēne lyabōmbile kuli uswe. Kangi lilino ngimba uswe tukufimbilisigwa ukubōmba fiki ukufwana ni lyēne? Ngimba uswe tukbagisenie ukubomba fiki?

80 Lilino, uswe tukuti, “Ena, une—une ngupalisya ikyo. Ikyo kyo kinunu fiyo.” Lōli uswe tukufimbilisigwa ukulikitikisya ilyene. Kangi ukulitikisya ilyēne, ko kwitikisya u Mūndu Gwāke, Kristi nu ndumbula yītu.

81 Polelo, uswe tukuya babuke ukufuma ku butulwanongwa, polelo sikayapo ni mbingo sya butulwanongwa situlikigwe pa uswe, napanandi. Kyāla, itolo ngati uswe tukatulilwēmo siki inongwa, i Likemo ilipelesye lilinkutupela uswe bapelelesye. Kabuno, Yeso alinkuti, “Yaga umwe polelo bapelelesye, na mūmo yōpe Tāta ku Mwanyā yo mpelelesye.” Polelo, kakayapo kangi mma nakamo akakubōmbigwa, lōli uswe tupeligwe ukuya bapelelesye mu Kuyapo kwa Kyāla.

82 Lilino, apa po pala uswe tukutāga ubuyo bwītu. Linga uswe tutikukētēsya, uswe tukugela ukukēta kunyuma ku iki uswe twāli. Kangi akabalilo kalikōsa uswe tukukēta kunyuma ku iki uswe twāli, i Likemo litikusanusya nakimo kwa uswe. O, umwe mukabagila ukuketa ikylene, ikipanga? Une ngabagile mma . . .

Une ngabagile ukugela imbombo. Une ngabagile, kangi nugwe ukabagile. Kukayapo ukufumba nakumo ukwakugeléla. Ugwe uponjologwe, polelo akabalilo kosa ugwe kuketa ku iki ugwe ubombile. Loli komma ukuketa ifi ugwe ubombile.

⁸³ Keta iki ilisiku lila pa Kalvari lyābombile kwa ugwe. Ilyēne lyahōmbile untengo. Ilyēne lyāmasisye ililālusyo. “Imbibi syīnu siyege bo bukesefu; isyēne sili bo bwēlu bo matalala. Ngesefu bo malesi; nyēlu bo masapa.” Polelo ugwe ukaya nu butulwanongwa mma. Ugwe gwe nubupelelesye nsitambibi. Kali ugwe ubōmbile fiki, pamo iki ugwe kubōmba, ugwe pōpe uli nsitambibi. Pena pāpo ugwe gwītíkísyē Yeso Kristi ukuya Mpoke gwāko, imbibi syāko sihobokelígwe. Kalikōsa ko *kahobokelígwe* ko “kasyūmulígwe nu kwībwígwa.”

⁸⁴ Polelo ngimba ikyene kikubomba fiki? Ikyēne kikukupa ugwe, ukufuma ku kayilo kala, Mbepo Gwāke, ukunkōnga Umwēne, nukubōmba mūmo Umwēne ābōmbile, kuli abāngi bābo bukukōngésya nkyēni. Umwene āli itolo Nnyambala yumuywēne, u Nnyambala umpelelesye. Umwene apele u Bumi Bwāke, kangi Umwene apēlile kyākuketelápo kwa ugwe. Lilino ngimba uswe tukufimbilisigwa ukubomba fiki?

⁸⁵ Lilino, ikīndu kyākwānda une ngulōnda ukuyoba, kyo kuti, Yeso akālitūgalilēmo Mwēne mma. U būmi Bwāke bwatāgígwe panongwa ya bāngi. Ubo bo, nubupelelesye, Būmi Bwabwīlanabwila. Akabalilo kāko ugwe kuyoba ugwe kubūka ku kipanga, kangi ugwe kubomba ifindu, ikyo kyo kinunu. Loli akabalilo kako ugwe kwītūgásya ubūmi bwāko kwa gwimwene, ugwe ukaya nabo u Būmi bwa Bwabwīlanabwila. Būmi Bwabwīlanabwila, ko kwitugalila abāngi. Ikyēne kyasisimisyē ikyēne akabalilo kāko Ubwēne bwālisile mwa Kang’osi gwa Kyala. Umwēne ālitugéle, kangi āli nu Būmi Bwabwīlanabwila, panongwa yakuti Umwēne akālitūgalile Mwēne mma. Umwēne ālitūgalile abangi. Kangi ugwe kwambilila u Būmi Bwabwīlanabwila, ukwisila mu kwāmbilila ilisiku líla, kangi ugwe utikwitugalila gwimwene kangi mma. Ugwe kwītūgalila abāngi.

⁸⁶ Yumo āyobile, “Ngimba ugwe ubagīle bulebule ukwīma, kundeka aligwēsa akubilikile ugwe ingamu imbibi bo sila?” Ugwe utikwītūgalila gwīmwēne mma. Ugwe kwītūgalila abāngi, ukuti ugwe ubagīle ukutabula unnyāmbála yula. Umwe mukuya banabalumiana. Kangi ulutamio lwa kyēne lo ulu, ikipānga kibwībwe abēne bo banabalumiana. Ugwe gwe mwanundumiana. Ugwe kwēga ubuyo bwa Kristi. Ugwe gwe mwanundumiana, popāpo komma ukwitūgalila gwīmwēne. Itūgalila abāngi.

⁸⁷ “Mulimōsa, Nkundwe Branham, une mbagīle ukwītūgalila nkundwe *wyu*, panongwa yakuti umwēne nalōli yo nnyāmbála nnunu.” Ikyo kikaya ikyene mma.

⁸⁸ Itūgalila u nnyāmbála yūyo ikukubēnga ugwe. Itūgalila u mūndu yula yūyo ābagile ukugoga ugwe linga umwēne ābagile. Ikyo kyo iki abene babobile ku Mwene. Abene bālingōgile Umwene, kangi Umwene āfwile, ukuti Umwene abagile ukubapoka abēne. Ubo bo Bumi Bwabwilanabwila. Akabalilo kāko, ugwe, ikyo kili mu kipāmbaga kyāko, ugwe utalwile ku Mwanya kokuti. Lōli ugwe kutāga fifindu fyāko fyēne, ukufileka ifyēne fyōsa, mūmo ing’osi yikupēla ulusyōya. Ugwe kukēta nkyēni, kubwa ku Kalivari.

⁸⁹ Une ngusubila iki kikukutula ugwe ukuti ukuya m’buyo. Ikyo kyo iki ikipānga, ikyo kyo iki abāndu bōsa, bikufimbilisigwa ukubōmba, ko kusyāgania iki ugwe guli, kangi yo yiliku inongwa. Kipānga, kukaya kubūka ku kipānga itolo ukwakukuba inyīmbo, ukwimba inyīmbo. Kipānga bo buyo kūko ubutetendekesyo busobi. “Ubulongi bukwānda ku nyuma ya Kyāla.”

⁹⁰ “Uswe tubagile ukwisyāgania twībēne bafwe, kangi babūmi kwa Kristi.” Polelo, Umwēne āpelile i njila ukuti uswe twābagile ukwīyīpa twībēne, ukunkōnga Umwēne. Linga uswe tukunkōnga Umwēne, uswe tukwītūgāla ubūmi ubu Umwēne ālitūgēle. Ikyo kyo kinyafu.

⁹¹ Yeso āyobile, kangi āyobile isya ikyēne. Unko une itolo mbapepo umwe ifyakwandisya finandi pa ikyēne. Pilikisya kifuki. Komma ukupōndwa ikyēne. Yeso āyobile, pa Lisiku Umwēne āyāga pakupāgulia abāndu, ngati ng’osi ni mbene. Kangi Umwēne āyaga pakuyoba ku mbene, “Ima pa lubafu lwakīmama.” Kangi ku ng’osi, “Ima pa lubafu lwakililo.”

⁹² Kangi Umwene alinkuyoba ku mbene, “Sokapo ukufuma kwa Une. Panongwa yakuti, une nāli ni njala, kangi ugwe ukalindyesisye Une. Une nāli mmínyololo, kangi ugwe ukalinjātīle Une. Une nāli ngelebune, kangi ugwe ukālīmfwikile Une mma. Une nālyūmilwe, kangi ugwe ukālīmbēle Une na kākūnwa nakamo. Une nāli mbine, kangi ugwe ukālīnjātīle Une mma. Popāpo, sōkāpo ukufuma pa Une.”

⁹³ Kangi ku ng’osi, Umwēne isakuyōba, “Une nāli ni njala, kangu ugwe gwalīnswīlile Une. Une nāli ngelebune, kangi ugwe umbele Une imyēnda. Une nali mbine, kangi Ugwe gwalīmbobile Une.”

⁹⁴ Kangi kētēsya. Komma ukutoligwa ukupilikisya iki, kipānga. Kyūnga iki mu ndumbula yāko, kwa bwilanabwila. Ikyēne kyo kisitamabyebye kyābōmbigwe! Abāndu batikubōmba ikyēne ukuya mbombo yābo mma. Unnyambala uyu ikupa ikindukimo ku yūngi, panongwa yakuti umwēne ikufimbilisigwa ukubōmba ikyēne, unnyāmba uyu ikukuswīla ugwe panongwa yakuti umwēne ikufimbilisigwa ukubōmba ikyēne, umwēne ali ni fūndo yabwīmi. Ikyēne kibagile ukuya būmi bwāko bulabula, akabōmbela kakako kalakala.

⁹⁵ Ikyēne kyāli kyakuswīgīsyā ku ng’osi isi, mpaka abēne bāyobīle, “Ntwa, mo ndili Ugwe gwāli ni njala? Kangi uswe tukābagīle ukukswīla Ugwe. . . Mo ndili Ugwe gwāli ni njala, kangi uswe twākuswīlīle Ugwe? Mo ndili Ugwe gwāli ngelebune, kangi uswe tukupele Ugwe imyēnda? Mo ndili Ugwe gwalyūmīlwe, kangi uswe tukupela ikyakunwa? Mo ndili Ugwe gwāli mbine, kangi uswe twākubōmbīle Ugwe?”

⁹⁶ Ikyēne kyāli itolo kyakisitaminogono ukufuma ku lugāno, itolo u Būmi Bwāko bwālitūgēle mu bēne. Kyāla, unko abāndu bakēte iki Kalivari ābōmbīle kuli uswe, itolo kisitaminogono.

“Mo ndili Ugwe gwāli, Ntwa? Uswe tukamenyemo siku ikyo.”

⁹⁷ Kēta iki Yeso āsanwīke nukuyoba, “Mu mbwīngi mūmo ugwe ubōmbīle ku aba, ugwe gwābōmbīlīle ikyēne kwa Une.”

⁹⁸ Ubūmi ubusitabwīmi; komma amīnogōno gakibili. Komma ukwīnogōnapo ikya ikyēne; lōli ugwe ufwīle ku fīndu fya kīsu, kangi gwābūmi fiyo mwa Kristi, kangi ukwēnda fiyo pa nsebwe-nywamu, mpaka ifindu ifi fikuya itolo findu fisitakwīnogonela. Ugwe kubōmba itolo ikyēnr. Komma ukuyoba, “Mulimōsa, lilino, u Ntwa ābagīle, Ntwa, ukulōnda une ukubōmba ikyo.” Ikyēne kikaya ikyo. Ugwe gwe itolo kiyabo kya Mwēne. Mbepo Gwāke ali mwa ugwe, kangu ugwe kubōmbēla mu njila Umwēne ābōmbīle. Aa! Naloli pilikīsyā ikyēne.

⁹⁹ “Yilipo i njila iyi yikuboneka ndalusye ku mūndu, lōli ubumalikīsyō bwāke yo njila ya bufwe.”

¹⁰⁰ “Bakaya bōsa aba bikuyoba, ‘Ntwa, Ntwa,’ bisakwīngīla nkati, lōli abēne aba bakubōmba ubwīgāne bwa Tāta Gwāngu,” itolo ukufuma mu ndumbula syītu, itolo nubwābuke.

¹⁰¹ Lilino, ilisiku lila pa Kalivari lyāhōmbīle untēngo gula, ukuti uswe twābagīle ukuya i njila yila.

¹⁰² Komma ukuyoba, “Ugwe umenye, umfwīlwe Jones akabalilo kamo āli. . . Umwēne āfūmbīlwe amakala, kangi une nābūkīle kangi nālīmūlīle umwēne amakala panini. Une ngukubūla ugwe, une nālīmūlīle unkwēne unkwēne uyu āfūmbīlwe i suti ya myēnda, kangi une nābūkīle nukwakummwāgīla umwēne i suti ya myēnda. Saya Kyāla! Une ne Nkristi.” O, mwe! Gwe mwīmi, ndondo, mūndu mpelakisa. Ugwe gwe lisyobi.

¹⁰³ “Komma ukwītīkīsyā ikiboko ikilīlo kimanye iki ikīmama kikibōmba, kangi ikīmama kimanye iki ikilīlo kikubōmba.” Itolo fiyo kisitakwīnogonela mfwano mwa Kristi, mpaka ugwe kubōmba ikyēne. Ikyēne kyo kipeligwa kyāko. Ikyēne kyo butendekīgwa bwāko. Ugwe kubōmba ikyēne, mulimōsa. Ikyēne bo Būmi itolo ubu bukwtūgāla mwa ugwe. Ugwe gwe lōsa gwīpēle kwa Mbepo yula, kangu Ubwēne itolo bukwtūgāla itolo Bwēne mwa ugwe. O, ugwe kwīpilika yula unsayigwa u Mbepo,

bula Bumi! “Komma une uyu ikwītūgála,” alinkuti Pauli, “lōli Kristi ikwītūgála mwa une,” itolo kyakusitakwinogonela fiyo.

¹⁰⁴ “Mulimosa, une ngukubula ugwe, Nkundwe Branham, uswe tuli Bakristi kuno. Uswe tukubatula abandu *aba*. Uswe tukubatula abandu *bala*.” O, mwe! Isoni pa ugwe. Ikyo kikaya Bukristi mma.

¹⁰⁵ Ikikristi itolo kisitakwinogonela kibagile ukuya. Ikyene kibagile ukubombigwa. Kangi ugwe itolo kwībwa itolo, fyosya fya ifyo, “Une umma.” Būka, bōmba ikyēne.

¹⁰⁶ Kristi itolo lōsa ukwīyīpa u būmi Bwāke kwa Kyāla. Umwēne ālipèle Mwēne, ukuya gwāmbombo gwa filūndilo, ku bāndu. Umwēne āpèle ubūmi Bwāke, mwaitolo. Umwēne akāfimbilisígwe ukubōmba ikyēne. Umwēne akābōmbile ikyēne nulwīlūmbusyo mma. Umwēne akāyobile, “Lilino, bakundwe, umwe mwēsa mukulōndígwa ukwīnogóna ikilūndiko kyōsa ikya Une, panongwa yakuti Une nisile ukufwīla umwe.” Umwēne akayobilemo siku ilisyu lya ikyene. Umwene āfwile, mulimosa, panongwa yakuti ikyene āli Kyāla mwa Mwēne.

¹⁰⁷ Ikyēne yo Kyāla mwa ugwe, ikyēne yo Kyāla mwa une, uyu ikutupela uswe ukuakēta ku bāngi. Ing’osi, pa lubafu lumo.

¹⁰⁸ Yumo mwa bene bikuyobaga, “Ena, Ntwa, une mbombile *iki*. Kangi, gwe Ntwa, une mbombile *ikyo*.”

¹⁰⁹ Umwene aatile, “Sokapo ukufwīla kwa Une, mwe babomba matingo umwe. Une siku ngabamenyemo nukubamanya umwe mma.”

¹¹⁰ Linga ikipānga kibagilemo siku ukwīsa ku fūndo isyālūwālo sila, ukuti ikyēne kikaya kindukimo ugwe kugela ukubōmba, ugwe kwiyūla gwīmweñe ukubōmba. Ikyēne kyo kindukimo iki kipāpīgwe mwa ugwe.

¹¹¹ Nswaga une, bīnangu bāngu ba kiPentekosti. Une ne gwapentekosti. Lōli bīnangu ba kiPentekosti bafikilepo pa buyo, kūko ikyēne kikufimbilisígwa ukuya i—i kilūndiko kya bwīmbligo ubwēngo, ukutika kwa bakuba-fimbilo, pamo ukukuba mmaboko, pamo aba tamborini, ukutwāla u njwēgo. Ikyo kyo kyakwīpilika itolo. Abēne bikukuba mu bakuba-fimbilo bo bakāli abēne ukubūka ku bwīte. Abēne bikubatwāla abāndu ku bwipilikisyo bwa bwīte. Une ngwītika mu bwīmbligo. Une ngwitika mu kukuba amaboko. Lōli une ngwītika mu fīndu ifi. Ikyo kyo katikati kyabwanaloli. Uswe tubagile ukuya nakyo ikyo.

¹¹² Lōli umwe mulekile ifīndu ifikulumba fisitakubōmbígwa, bo būmi bula ubwīkemesígwa-bwēne ukuti Kyāla ikwītūgála mwa ugwe, kisitakwīnogonela ukubomba ikyo iki kyo kutalusye panongwa yakuti ikyene kyo kutalusye. Itolo ukukīndilila, komma nukwīnogóna nakimo ikya ikyēne. Itolo ukwītūgála ikyēne. Polelo ketēsya, ugwe kukēta iki kikukīndilila. Ugwe

itolo...ugwe utiku...Ugwe uli pa nsebwe-unywāmu. Ikyo kyo iki Kalivari āsanusyāga kwa ugwe, pa nsebwe-nywāmu, ākwīgūlile mōsa ilisiku lila ugwe.

¹¹³ Lilino, lilino kumbukilāga, ugwe ukabagile ukuya singa mbene kangi sinda ng’osi. Ifyēne fitikwisa kōnganikana mma.

¹¹⁴ Lilino, balipo ikilundiko kya bāndu bīngi bikuyoba, “Ena, ugwe umenye fiki? Uswe tuli nakyo ikipānganio mu kibugutula kyītu. Uswe, uswe tukutūla abalōndo. Uswe tukubōmba *iki*.” Ikyo kyo kili kanuni, lōli ugwe kupūta ulupēmbē lwāko gwīmwēne ukufwana ni kyēne. Ugwe utikubōmba ikyo mma.

¹¹⁵ “Ugwe bōmba ifyabupi fyāko mbutītu,” Yeso āyobīle. Itolo kisitakwinogonela, ikindukimo kwa ugwe, kitikukinda ukubūka, ukwakunwa amīsi. Ugwe gwīmīlwe. Linga u nnyāmbāla unkōngw ūmīlwe, ugwe inogona isya umwēne, yōpe. U nnyāmba unkōnge yo mfūmbwe, ugwe inogona isya umwēne mulamula mūmo ugwe gwābagile ukufūmbwa kwāko gwīmwēne. Kangi komma ukutegelela ku kyēne. Itolo kindililāga ukwītūgāla.

Lilino, ugwe ukabagila ukuya sinda ng’osi kangi sinda mbene.

¹¹⁶ Polelo linga ugwe kuti, “Ena, ikipānga kiyitu kilinakyo i kipānganio. Uswe tukupa ku balōndo, kangi uswe tukubōmba *iki*, kangi tukubōmba *kila*, kangi tukubōmba *ikingi*.”

¹¹⁷ Linga umwe muli na ikyo kisita kila ikingi, u Būmi bwa Kristi mwa umwe, umwe mwe itolo lōsa mukubōmba ikyēne paitolo. Yeso...Paulo aatile, Bakorinti Bakwanda 13, “Palema nalinga une ngupa ifyōmbo fyāngu fyōsa ukuswīla abalōndo, kangi nukubīka umbili gwāngu ukōkīgwe liyege likemo, ikyēne kitikumfūnjila une nakimo.”

¹¹⁸ Lilino, ikyo kyo kikafu, lōli ikyēne bo Bwānalōli. Ugwe kufimbilisīgwa ukwīsa ku fūndo yila. Uswe tukuketa ikyene, kangi kuyoba, “O, ena, ikyo kyo kinunu.” Ikyo kikaya kika mma. Linga u Mwanundumiana gwa Kyala yula ābagisenie ukubūka ku Kalivari, ku bukomeligwe, u mwanundumiana aligwēsa uyu ikwisa abagisenie ukubūka ku Kalivari. Umwēne ukufimbilisīgwa yōpe ukuya na Kalivari. Ugwe kufimbilisīgwa ukuya ni lisiku lila lya Kalivari. Une mbagisenie ukuya ni lisiku lila lila lya Kalivari. Ilyo likubotesya ililālusyo lya butulwanongwa. Komma ukuponia amaboko nu ndumbilili; komma ukuponania ukwingila ikipanga; komma ukwisa mula na kalata; komma ukwisa mula nu kwifumusya. Lōli isaga mula nu Bupāpīgwe. Umwēne akapēlémō siku u kalata. Umwēne akapēlémō siku ubufumusye. Umwēne āpēle u Bupāpīgwe. Umo mo mūmo uswe tukwīngila mula. Polelo, ukufuma ku ikyo, kisitakwinogonela uswe tukwītūgāla ubūmi bwa Kikristi.

119 Lilino, ubuyobelo ubungi. Sinda mbene, sinda ng’osi, abene bakaya nakyo ikindu bo ikyo. Ugwe uli mbene pamo ng’osi. Ugwe ukaya sinda mbene kangsi sinda ng’osi mma. Ugwe uli mbene pamo ng’osi.

120 Lilino, linga ugwe itolo kubomba ifindu ifinunu, nukwinogona ugwe ubagile ukwingila mula, ukwisila mu ikyo, polelo apene angali patikufimbilisigwa ukuyapo ilisiku lya Kalivari. Ululagilo lwapele ikyo. Loli, ukuya ukuti ikylene kyaljegile ilisiku lya Kalivari, kwali ko kutwala kila nkati, ukuti uswe tukabagile itolo ukuya bakipanga, loli ukuya banabalumiana na banabalindwana ba Kyala. Ikyo kyo iki ilisiku lya Kalivari lyali. Ikyo kyo iki iliyene lyaasanusyaga kwa ugwe, ukuti ugwe ubagile ukubomba, kangsi ukukonga kangsi ukubombela ngati Yeso.

121 Lilino, ikisoko kitikubopa mmwanya nu kusuluka, pa kabalilo kamokene. Ikisoko kikubopa injila yimoyene popapo. Kangsi u Mbepo gwa Kyala itolo ikubopa injila yimoyene. Umwene atikongania ifindu ni Mwene. Ikubopa injila yilayila.

122 Ketesya Yeso, pakwigala. Yeso aatile, “Imbombo isi Une ngubomba mwisakubombaga umwe nanumwe, kangsi inywamupo ukukinda sisisi umwe mwisakubombaga, kabuno Une ngubuka kwa Tata Gwangu.”

123 Une ndikuyoba iki fiyo-fiyo ku kipanga apa. Umwe mukupilikisya. Loli i Ndumi isi sikusimbigwa pa tepi. Aba kalongo ba maelifu bikupilikisya agene, ukusyungutila ikisu.

124 Une nguyaga pakwamula ililalusyo lila ku ndondesyabusobi, lululu ulu. Une akabalilo kingi njobigwe...mbuligwe. Abene bikuyoba, “Nongwa ya fiki, ugwe kwitika i Bangeli? Yeso aatile, ‘Imbombo isi Une ngubomba mwisakubombaga umwe numwe, kangsi inywamupo ukukinda sisisi umwe mwisakubombaga, kabuno Une ngubuka kwa Tata Gwangu.’”

125 Ngimba bo bubibi bulebule ugwe ubagile ukuya, nkulumba? Ko kubutali bulebule ukufuma ku bumanyila-ngani ugwe ubagile ukwembela, ni bufundakyala bwako ubwamminogono, nu bupilikisyo bwa mubongo bwako ubwa kalikosa? Gwe mwinangu gwaipyana kangsi gwe usobile, ngimba ugwe ukabagile ukuti i Bangeli ili lilanganisigwe mwambepo?

126 Yeso alimpalisyeta Tata ukuti Umwene afisile Ilyene ukufuma ku bamanyi, na bakomu, na bamahala, na bigufu, kangsi abagile ukusetula Ilyene ku banike babo babagile ukwisa ku Kalivari.

127 Lilino ketesya. Yeso aayobile. Ketesya mumo Umwene aayililemo ikylene. “Imbombo isi Une ngubomba,” Umwene ikubomba isiyene lilino. “Imbombo isi Une ngubomba lilino, ukubumbulusya ababine, ukusyusya abafwe, ukwigula amaso ga bafwamaso, imbombo isi mwisakubombaga umwe numwe. Umwe mwisakubombaga linga umwe mukwtika Une.

Umwe bomba imbombo isi. Kangi inywamupo ukukinda isi mwisakubombaga umwe, kabuno Une ngubuka kwa Tata Gwangu.”

¹²⁸ “Nkabalilo kanandi, kangi ikisu kisakusita kumbona Une kangi mma, loli umwe mwisakumbonaga Une. Une nguyaga na umwe, nankati myinu mope, mpaka kubumalikisyo bwa kisu. Une ndisakubaleka umwe kisitabusubisi. Une nisakusuma Tata; Umwene isakutumaga u Nsubisi uyungi, uyu yo Mbepo Mwikemo, yuyo ikisu kikabagila ukummwambilila; loli, umwe mubagile ukummwambilila Umwene.”

¹²⁹ Lilino kētésya. Imbombo “ingulumbapo”, kwāli ko kuya na Maka mu Kipānga, komma kwene ukubumbulusya ababine nu lwipúto, ukukaga imisyētáno nu lwipúto, lōli ukupa u Būmi Bwasyēpwa ku bītiki. U Mbepo Mwikémo ísága, nukupégígwa mmaboko ga Kipānga, ukupa u Būmi. O! Ikyo kyo iki Kalivari ásanusyaga. Ikyēne kyālyégile abiname, abaywēluligwa abanyāmbala na bakíkúlu, kangi nukubafyūsyā abēne mbuyo, ukuya banabalumiana na banabalíndwána ba Kyāla, ukubūmbulusya ababine nukupa u Būmi Bwasyēpwa; ukwisila mu kubapa u Mbepo Mwikémo ku bītiki abapilikile, abanyāmbala aba akabalilo kamo bāli basitakwitika, ukupeligwa ukuya bītiki, nukupa ubwamwambepo, u Būmi Bwasyēpwa.

¹³⁰ Bo bukulumbapo bulinga ubwene buli: Ukuyoba, “Unkikulu umbine uyu alambalele apa, une mbagile ukwiputa ulwiputo lwa lwitiko kangi umwene isakubumbulusigwaga,” ikyo kyo kindu ikikulumba, ikyo kyo iki Umwene abombaga akabalilo kala; “loli,” alinkuti, “ifikulumbapo ukukinda iki mwisakubomba umwe; Une nguyaga pakubapa umwe a Maka, komma kwene ukunsumusya umwene pa kabalilo, loli ukumpa umwene u Bumi Bwasyepwa, ubu bwisakuyaga Bwasyepwa, bwilanabwila.”

¹³¹ Balondo, bafwamaso, bandu bapelakisa, ngimba umwe mukupondwa bulebutle ikyo? Ngimba umwe mukuketa iki ikindu “kikulumbapo” kili? Ikyo kyo kindu kikulumba ukukinda-fyosa iki kyabagile ukuboneka, ko kupa Bumi Bwasyepwa ku bandu. Ngimba u Bumi Bwasyepwa bo fiki? U Bumi ubu Umwene alitugele, u Bumi ubu bwali mwa Mwene, paga Bula ku bāngi. Ngimba umundu abagile ukubomba ikyo? U Mwanundumiana gwa Kyala abagile ukubomba.

¹³² Yesp ayobile, “Aligwesa uyu imbibe syake umwe mukusyumula, ku bene isyene sisyumuligwe; aligwesa uyu imbibi syake mukukyunga, ku bene isyene sikukyungigwa.”

¹³³ Lilino apa po papo ikipanga kya Katolika kangi fingi ifingi fyatendike ubusobi ubunywamu. Abene bikubuka panja nukuyoba, “Une ngukuswa ugwe imbibe syako.” Ikyo kikali ikyene mma.

¹³⁴ Ngimba abene batwalaga bulebule imbibe ukuswegwa, mu i Bangeli? Peteri alyamwile ililalusyo ilyo, pa Lisiku lya Pentekosti. Abene balinkuti, “Ngimba uswe tubombe fiki ukuya bapokigwe? Ngimba uswe tubagile bulebule ukwega Iki kikyo umwe mwesa muli nakyo?” Umwene alinkwala pasi ubulagili bwa nkota. Umwene ababulile abene ikyakubomba.

¹³⁵ Umwene alinkuti, “Pinduka, aligwesa gwa umwe, ukwisa kwa Kyala, kangi osigwaga mu Ngamu ya Yeso Kristi.” Panongwa ya fiki? Ubsyumule bwa butulwanongwa bwinu. Apo po silipo “ingulumbapo” imbombo.

¹³⁶ Balinga, umwe balumbilili ulubunju ulu, balinga, umwe mukupilikisya ku Lisyu lyangu pa tepi ya magneto, mwiganile ukubuka ku Kalivari ulubunju ulu? Kangi keta iki Kyala abombile pala kuli ugwe. Kangi taga ifimanyisyo fyakipanga-kipaguke kyako, kangi ukulumbilila i Nongwainunu. Aleluya! Ikyene kili mu mbupagato bwako lilino. Ngimba ugwe kubombaga fiki ni Kyene?

¹³⁷ “Kabuno ubupinduko nu busyule bwa mbibi bubagile ukulumbiligwa mu Ngamu Yake, ku kisu kyosa ukwandila ku Yerusalemu.” Haleluya! Lwimiko! Mwaketa lelo umwe.

¹³⁸ Ngimba u Kalivari ikusakusya fiki kwa ugwe? Ngimba ilisiku lila likubombaga fiki kwa ugwe? Ngimba ilyene lyakutendike ugwe ukulakilwa, ni fyakufundakyala fimo? Ngimba ilyene lyakutendike ugwe ukuya shati ya kulakilwa? Pamo ngimba ilyene lyakupelile ugwe ukuya Nkristi, ulisigwe mosa? Haleluya!

¹³⁹ Butulwanongwa, busyuligwe! “Imbombo ingulumbapo ukukinda isi mwisakubomba umwe.” Umwe mukuketa ywani a “ba umwe” bali, bule umwe? “Imbombo ingulumbapo ukukinda isi,” ukusyumula imbibe, mu Ngamu ya Yeso Kristi.

¹⁴⁰ Loli ukwisila mu fimanyisyo kangi ni fipaguko, na fyosa bo ifyo, ikyene kyo kikupinyile ugwe ku buyo, ugwe ukali kubombela ikisu. Mbula une unnyambala aligwesa, mbula une unkikulu aligwesa, abagile ukwisa ku Kalivari nukugela ukuya nywamu munduyumo panongwa yakuti umunduyumo ayobile ikindukimo. Mbula une kuko ugwe ubagile ukuketa nkisyo kya Kalivari, mbwelu bwake ubutalusye, ilisiku lila mu Kalivari. Ngimba ubagile bulebule ukuya ni lisiku lyako pa Kalivari, nukusoka panja uli shati ya kulakilwa? Ngimba ugwe ubagile bulebule ukusoka panja yo ngoza gwa kipanganio kimo, nukulumbilila ifimanyisyo fimo ifitendekigwa-nu-mundu? Nongwa ya fiki ilyene litikulambika ugwe ku Lisyu lya Kyala? Linga ugwe gwabagilemo siku ukubuka kula, ugwe kusokaga panja gwalwiisyo. Ngimba ugwe ubagile bulebule ukuya kimo kindukimo ikinywamu mu kipanganio kyako, ni liyoya mu kitili kyako, akabalilo kako Yeso Kristi u Mwanundumiana gwa Kyala aliyisisye Mwene ukubuka ku mbili utipuligwe, ukubuka

ku kisyo ikisweligwe, mpaka isoni nu lunyasyo? Kangi abene balimfulile imyenda losa, nukunkomela Umwene, pankyeni pa kisu. “Ukupika isoni.” Ngimba ugwe ubagile bulebule ukubuka ku Kalivari nukusokako kilikyo ikikindane ukukinda iki Umwene ali, gwalunyasyo, nkosya soni?

“O,” ugwe kuyoba, “abene bisakungagaga une panja.” Baleka abene bakukage.

¹⁴¹ Yaga ni lisiku lyako ku Kalivari, Kyala isakuyaga ni njila Yake na ugwe. Unko une nandisye kila kangi. Yaga ni lisiku lyako ku Kalivari, Kyala isakuyaga ni njila Yake na ugwe.

Unko uswe twipute.

¹⁴² Ntwa, O Kyala, ega uswe twesa tusanuke tuye ba Kalivari lilino. Unko uswe tusokeko ku bwimwene, Ntwa, ulutende lwa bandu, ulutende lwa iki umunduyumo uyungi ikuyaga pakuyoba. Fiki, ikisu kyosa kyalinsekile Umwene, kilinkummugila Umwene. Loli Umwene ali mpilikile, ku bufwe. Umwene ali mpilikile, ku lunysyo. Umwene ali mpilikile, pope pasi pa sikali ya kiyabo.

¹⁴³ Kangi uswe tukusyagania ukuti akabalilo kako Setano atikile ikisu, umwene alinkuya ndagili kangi gwamaka nkisu iki. Umwene alingenie kilakila pakyene pa Ntwa gwitu, nukuti, “Ifitangalala ifi fyangu. Une ngubombaga ni fyene iki une niganile.” Kangi uswe tukusyagana ikyo, ukufuma ilisiku lila ku ili, ikisu iki, pasi pa kigune, ikyene kilalagililigwe na yuyo uyu akigunile ikyene.

Loli, Kyala, O Kyala, uswe tukubombela i Kitangalala iki kikagunigwa.

¹⁴⁴ Tata Kyala, bo buswigisye buki ikyene kili, ukuti Ugwe ubombile ifindu fimo ifikulumba mu—mu kisu kya piicha umwisyugu. Ukwitikisya amapiicha amakulumba, ngati *Ingomelesyo Kalongo*, na fyosa bo ifyo, ukusoka panja, ukubaleka abanyambala na bakikulu bakete, aba angali batikufitisya ni kifigo kya kipanga, loli ukubaleka abene bamanye iki ikyene kili. Injila ya Kyala yo njila ingaanigwe, ni kisu. Panongwa yakuti uswe tuli ngati. . . Uswe tukubuka mu Russia pasi pa kikomyunisti.

¹⁴⁵ Uswe tuli nkisu iki, loli uswe tukaya ba nkisu iki. Uswe tubukile ku Kalivari. Uswe twikomelile twibene, panongwa ya Kitangalala kya Kyala, ukuya yumo mwa Bake. Kisita kupasya iki ikisu kikuyoba, uswe tukwega injila na abalumbusigwe abanandi. Uswe tukukindilila ku busyuke, kangi uswe tukwitika ukuti ikyo kyo lululu kifuki, Ntwa, mpaka akabalilo kako uswe twisakusyusigwaga ukubuka mu Kitangalala iki kisakupoka ikisu iki. Bo mumo Danieli aketile-ngani ikyene, kangi ikyene kyabongotwile ikisu kyosa mosa, ukuya lufumbi, kangi umbelo gulinkuluputa ulwene ukufuma ku lupalo lwa kabalilo ka

mfunjo. Loli, i kyamba, Ibwe lilinkukula ukuya kyamba ikikulumba iki kyakupilile ikisu. Ibwe lila lisakwisa. O Kyala, uswe tukulonda ukuya kiyabo kya ikyene. Unko uswe twipike twibene, tupimbege ikipingika kyitu, twitugalilege Kristi, twitugalilege abangi. Paga ikyene, Ntwa.

¹⁴⁶ Pabagile ukuyapo bamo apa ulubunju ulu, kangi aba bakammanya Umwene ukuya Mpoki, kangi bikulonda ukukumbukiligwa mu lwiputo lwakwigala ulu, kangi mukulonda ili ukuya lisiku linu pa Kalivari, ngimba umwe mubagile ukufyusya ifiboko fyinu, nukuyoba, “Nyiputula une, Nkundwe Branham. Une ngulonda ukummanya Umwene ukuya Mpoki gwangu.” Kyala akusaye ugwe, mwinitu nnini. Umunduyumo uyungi? Kyala akusaye ugwe, nkundwe gwangu kunyuma kula.

¹⁴⁷ Ngimba pabagile ukuyapo umunduyumo uyungi? Yoba, “Une ngulonda ukummanya Umwene. Une ngulonda ili ukuya lisiku ku Kalvari, kwa une. Une ngubiluka kangi ngatele. Ngimba bo bununu buki ubwa une ukusukulikila ukusyungutila apa ni kindu kilakila iki une napapiligwe ukubomba? Une napapigwe, napapigwe ukuya mwanundumiana gwa Kyala, kangi apa une ngwibanilila ku findu fya kisu. Kyala, unko une njege gwakukomeligwa umwisyugu. Unko une nikomelele, umwisyugu, nimwene ni fundo, ukuti une mbagile ukwitugala na Kristi, nukwitugalila abangi. Kisita kupasya iki abene bikubomba kwa une, ukunyugila une, ukumfwima une, nukuyoba ifibibi fyosa ukulwana na une, ni findu, unko une itolo nukwilambika ngindililege, kangi nukwiyuyula, bo kang’osi, bo mumo Umwene abombile. Kangi ilisiku limo, Umwene afigile ukusyusya une kangi, mu Lisiku lyabumalikisyo. Une nguketa ku Lisiku lila.” Ngimba gabagile ukuyapo amaboko gakongelelapo gafyusigwe? Kyala akusaye ugwe kunyuma kula, kangi ugwe. Umma ndaga. Bomo abakongelelapo itolo. . . Kyala akusaye ugwe. Kyala akusaye ugwe. Bamo abakongelelapo, ikyo bo tukali ukwiputa.

¹⁴⁸ Tata gwitu Gwakumwanya, ikyene kyayobigwe, akabalilo kako Peteri alumbilile pa Lisiku lya Pentekosti, “Nu bwingi bwa aba balitike kwalyongeleligwe ku Kipanga.” Abene baliloli balitike ni ndumbula syabo. Abandu aba babo bafyusisye ikiboko kyabo, une ngusubila ukuti abene bitike ni ndumbula syabo syosya. Kangi linga abene babombile, kilipo ikitubwe kwa misi apa. Abene bikulonda imbi sila ukuhobokeligwa. Alipo yumo apa uyu abagile ukubosya abene mu Ngamu yila, kangi i Ngamu ntiga iyi yilipo pasi pa Mmwanya yipegigwe pakati pa bandu, ukuti uswe tubagile ukupokigwa.

¹⁴⁹ Kabuno, bo une nalyandisye i Lisimbo akabalilo kanini aka kakindilepo, ukuti, “Ubupinduko nu buswe bwa butulwanongwa bubagile ukulumbililigwa mu Ngamu Yake, ku kisu kyosa, ukwandila ku Yerusalemu.” Kangi

ku Yerusalemu, akabalilo kako ubupinduko nu buswe bwa butulwanongwa bwalumbililigwe, untumigwa alinkubabula abene isya Masimbo, kangi balinkuti abene bikufimbilisigwa “ukupinduka, tasi, kangi polelo bosigwe mu Ngamu ya Yeso Kristi.” Yila yāli mbombo ya ndumbilili ukubombamba. Ukuti abēne bapinduke, kangi umwēne abōsye abēne ku busyumulo bwa mbībi syabo. “Aligwēsa yuyo imbībi umwe mukusyumula, ku bēne isyene sisyūligwe; aligwēsa imbībi syabo sikyūngigwe, ku bēne isyēne sikyūngigwe.”

¹⁵⁰ Tāta, ngimba bo bulebule ikisu kilinkwisamo siku pānja pa lyōyo limo bo mūmo abēne babōmbile? Fiki ukusita kwitika i Nongwainunu imbepe? Kangi abēne bikutwāla mula, panongwa ya ikyo, ikupyankisania: ingamu insyobi, ulosyo ulusyobi, inyosyo sya Mbepo Mwikemo isyabusyobi, ukuponania amaboko na balumbilili, ukubōmbela amapalo ga Tāta, Mwanundumiana, Mbepo Mwikemo, iki kikayamo siku m’Masimbo; ikikalatasi iki kyangendekigwe na banyambala baRoma, komma ikimanyisyo Kyakikristi nakumo mu i Bāngéli. Ubusyūle bwa mbībi bukabagila ukusyūLigwa ukwisila mmapalo, lōli mu Ngamu ya Yeso Kristi.

¹⁵¹ Lilino, Tāta, uswe tumenye ikyēne kikaganigwa na bīngi. Injila Syāko siyile lūlo akabalilo kōsa. Lōli unko abanyambala na bakikulu, ulubunju ulu, ukwisa ku lisiku lila, ilisiku lila ku Kalivari. Kūko, Yeso, ukupika ilisiku lila, ubukosyasoni bula, ukufūligwa imyenda, ukukekigwa ntuyabo, ukuswēligwa na mata, nukūgīligwa; ni kisu kyosaz, ni kipanga, na bandu bābo babagile ukungana Umwene. Kangi, pōpe, mu fyōsa ifyo, Umwēne akāligwile akanwa Kāke, kangi alinkubūka nukufwila abandu bala aba bamūgīlilāga Umwēne.

¹⁵² Kyāla, ega uswe ku Kalivari ulubunju ulu. Kangi linga abene bikuyoba uswe tuli ni figili, abene bikuyoba uswe tusobisye i Lisimbo, kilikyosa iki abene bikulonda ukuyoba, Kyāla, abene bakabagile ukwima mu Kuyapo kwa Kyāla kangi nukuyoba ikylene kyo kisobi.

Abēne bakabagila ukukupilila imbībi syabo ni Bāngéli. I Bāngéli likukupula imbībi syābo: ubusitakwitika bwābo; ukuya bafumuke; ukubōmba ngati abāngi ba kulundilo. Bitikisya abene bisege ku Kalivari ulubunju ulu.

¹⁵³ “Kangi ukwanda ku Yerusalemu; ukuti ulupinduko na kusyūla kwa mbībi kukufimbilisigwa ukulumbililigwa mu Ngamu Yāke ku fisu fyōsa, ukwanda ku Yerusalemu.”

Unko abēne bali egaga lilalila ilikato lwakukomeligwa ukukekigwa; nukuswēligwa mata; nukūgīligwa; nukubilikigwa kilikyosa abēne babagile ukubilikigwa mu lukindi lwa basambuke babwīputi; abalāsule ba fipānga; kyosa abēne bikulōnda ukubilikila.

Tuli uswe, Ntwa, ulubunju ulu, egaga injila yĩtu na bānandi abatāgigwe baNtwa. Tuli uswe endega bo batumigwa bābōmbile, komma ukusanukila ku kililo pamo kukimama, kangi ukufuma ku bunu bwa ndumbula syĩtu ukumbōmbéla Kyāla. Pāga ikyēne, Tāta.

¹⁵⁴ Lilino, kubumbulusya ababine na bonywa aba bikwisa mu lukindi lwa lwiputo. Ngusuma aba bikufyusya amaboko gabo, mu ndumbula syabo, bapindukege, lululu lilino. Abēne aba bīmīle ku nyuma akabalilo katali fiyo, balīsaga nakalinga ku mīsi nukuya ni mbībi syābo sisyūligwe pa Ngamu ya Likemo, Yeso Kristi, u Mwanundumiana gwa Kyala. Ameni.

Kula ku kipingika kuko u Mpoki gwangu
alimfwilile,

Kula kula panongwa ya kusukigwa ku mbibi
une nakūtīle;

Kula ku ndumbula yangu i Lilopa lyāpakigwe;
Lwīmiko ku Yāke. . .

Lwīmiko ku Ngamu Yāke!

O, lwīmiko ku Ngamu Yāke!

O, kula ku ndumbula yangu i Lilopa
lyāpakigwe;

Lwīmiko ku Ngamu Yāke!

Une ne nubuswigisyo mbokigwe ukufuma ku
mbibi, (Bulebule?)

Yeso nubunyafu ikwītūgāla nkati,

Kula ku kipingika kuko Umwene. . . (Yaga
yumo gwa Bāke.) . . . nkati;

O, lwīmiko ku Ngamu Yāke!

Lwīmiko ku Ngamu Yāke!

Lwīmiko ku Ngamu Yāke! (Imbala Ingamu!)

O, kula. . . ndumbula yangu i Lilopa
lyāpakigwe;

Lwīmiko ku Yāke. . .

¹⁵⁵ Ngimba ikyo kitikubōmba itolo ikindukimo kwa ugwe? Itolo kikukulukuta ugwe mōsa. Kikubīka ulusūbilo mwa ugwe: Būmi, Būmi Bwasyēpwa.

¹⁵⁶ Kyo fiki “ukukomeligwa na Kristi”? Ko kwitūgalila abānga. Lo luko luki ulwa bāngi? Bala bābo bikukubēnga ugwe, bala bābo bakabagile ukukugana ugwe, bala bābo babagile ukukūgīla ugwe: itūgalila abēne; yaga na bēne; bagana abēne; “bīputila bala bābo nakabini bikukubōmbéla ugwe, bikuyoba uluko lōsa lwa bubibi nubusyobi, panongwaya Ngamu Yāngu. Abēne bafwīmīle abasololi aba bāli pankyeni pa umwe.”

¹⁵⁷ Une ninogonāga i ndumi angali lumo yitūlile i kipanga ulubunju ulu, ukuti umwe mwabagile ukukibona ukuti uswe tukufumbwa u Kalivari, uswe tukufumbwa ubukomeligwe.

158 Lilino ngimba kyo fiki iki ikyene kibombile? Ikyene kyo kyosa kihombigwe. Kalumbu mu kikota kya njinga, ku bandu apa aba bo babine kang'i bonywa: Ikyene kyo kyosa kihombigwe; ikindu kyene ntiga ugwe kufimbilisigwa ukubōmba ku kwitika ukuti ikyēne kyo kyāko; itika ikyene mu njila yilayila, kang'i ugwe kwisakubumbulukāga.

159 Kumbukilaga: Lilino fyo fiki ikyene? Ugwe ubagile ukubuka ku kisu, ukulūmbilila i Nongwainunu, ukubumbulusya ababine; ukupa u Būmi Bwasyēpwa.

Bo bukumbapo buki ikyēne kibagile ukuya: ikya, apa pali unnyambala alambalele apa ni—ni lyūlu, kansa, kilikyōsa iki ikyēne kili. (Uswe tumbwene Umwēne utubalilo twingi fiyo ikupa isayo Syāke nukubūmbulusya u nnyāmbala, ukumbumbulusya unkikūlu; abakalongo ba maelifu ukubāsania na maelifu ga bāndu ababine abasitakutoligwa ukusyungutila i kisu, muketile, abasosisyēmo abēne ukufuma mu fikota fya njinga, ifitala fya njinga; itolo imisyūngūlu gya bāndu balyēkīgwe na kansa; umwisyūgu, bali kanunu, bāndu bakafu.) “Imbombo isi Une ngubomba mwisakubombaga umwe numwe; loli inywamupo ukukinda sisisi umwe mwisakubombaga”: “ukukinda sisisi,” bo bwanaloli.

Fiki? Une nabapele abēne ukongelelāpo kwa bumi, ukwisila mu Ngamu ya Yeso, ukongelelāpo ubūmi bwābo ku masiku manini.

Lōli, “Ukukinda iki umwe mwisakubōmbaga, umwe mwisakubapa abēne u Būmi Bwasyēpwa ukwisila mu Ngamu Yāngu.” Whuu!

160 Nongwa ya fiku ugwe kuyaga gwasoni ni Ngamu imbala yila? Nongwa y fiki abāndu babagile ukuleka ikyēne nukugomokela nyuma ukufuma ku kyene? Ikyēne yo mōhési. Naloliloli.

161 “Ulupinduko nu busyūle bwa butulwanongwa bukufimbilisigwa ukulumbiligwa mu Ngamu Yāke kyōsa ku kisu, ukwandila ku Yerusalemu.” Kula ko kūko i Ndumi yabūkile panja tāsi. Ngimba ikyo kitalusyē? “Ulupinduko nu busyūle bwa butulwanongwa bulūmbiligwe mu Ngamu Yāke, ukwandila ku Yerusalemu.”

162 Lilino, ikyākwānda, uswe twisakubōmba mūmo Umwēne ābōmbile: ukuya nu lwipūto ukubūmbulusya ababine.

163 Ikyakukōnga, uswe uswe twisakuyaga ni kikūngilwa ikikulumbapo: Amīsi gitēdekīsye, kunyuma apa, kuli balibōsa aba bikulōnda ukōsigwa (gilipo imyenda muno igya bakikulu, imyenda mu igya banyāmbala), gimile gitēdekīsye kuli ugwe ukuya ni mbībi syāko sisylīgwe; panongwa yakuti kumbukilāga, ukuti ugwe ubagile itolo ukuya ni mbībi syāko sisylīgwe ukufwana nu bumanyisi bwa i Bāngéli. “Kabuno

yikayapo ni Ngamu iyingi pasi pa Kumwanya yipëgígwe pakati pa bāndu, kũko umwe mubagile ukupokigwa.”

¹⁶⁴ Pauli ālyāgēne na bamo aba bātālile bālyōsígwe. Kangi abēne baywēgāga, bāli nu bupōnjoli. Umwēne alinkuti, “Ko ku fiki ngima umwe mwālyōsígwe?”

Abene alinkuyoba, “Kwa Yohani.”

Umwēne alinkuti, “Yohani ōsyāga ku lupīnduko.” Lilino, pilikisya iki: ku lupīnduko, komma ku busyūle bwa butulwanongwa. Balinga bakupilikisya ikyo? Komma ku busyūle bwa butulwanongwa. Abēne balyōsígwe lōsa kanunu, ku lupīnduko. Abēne bapīndwike: “Ena, nkulumba, une mbīndwike. Une, ngwitika Umwēne ikwīsa.” Abēne balyōsígwe *ku lupīnduko*; uko ko kuti, “ukwitika pa Ntwa Yeso Kristi.”

¹⁶⁵ Polelo akabalilo kāko abēne bāpilike *iki* (ukuti i Likemo lyātalile lyālisīle), abene bilyosigwe kabili kangi, mu Ngamu ya Yeso Kristi. Kangi polelo, kwapëgígwe ku bēne, akabalilo kāko umwēne alyālīle amaboko pa bēne, u Mbepo Mwikemo; kangi abēne balinkuyoba mu ndimi nukusolola.

¹⁶⁶ Lilino, ngimba ugwe kwāndulāga bulebule i Lisimbo lila? Ugwe kubika ulōbe lwāko pa buyo bumobwēne ntiga mu i Bāngéli kũko yumo āhobokeligwēmo siku imbībi syābo, mu Lwitikano Ulupya, kangi ālyōsigwēmo siku mu njila iyingi yiliyosa lōli mu Ngamu ya Yeso Kristi.

¹⁶⁷ Mbonesya une bumoywene u buyo mu i Bāngeli kuko aligwesa alyosigwemo siku mu Ngamu ya Tata, Mwanundumiana, Mbepo Mwikemo. Pamo twāla ku mesa yāngu i syāmbukulu, i syāmbukulu sya kipanga isi sikunāngīsya kũko umunduyumo ālyosigwēmo siku mu Ngamu ya Tata, Mwanundumiana, kangi Mbepo Mwikemo, mpaka ifyinja bamia batatu-ni-fyapamwanya ukufuma pa bufwe bwa ntumigwa gwabumalikisyo, akabalilo kako ikipanga kya Katolika kyāpanganisígwe.

¹⁶⁸ Lilino, une ndinagwe *Abata Bo-Akali-Nicene*, kangi i... bosa abasyambukulu, na filifyosa, mulamula mu bufundafunda bwāngu: isyaiyolo fiyo, ingemesigwe isyambukulu nkisu; ni sisimikisyo insitakutuligwa isi uswe tuli nasyo.

¹⁶⁹ Bala *Unjāti Gwītu Gwapandungu*, pamo i katekisimu gwa kipanga kya Katolika, kangi kētēsya abēne, iki abēne bikuyoba: “Bamo mwa baProtestanti lumo bisakupokigwa, panongwa yakuti abēne naloli bikwinama ku kimanyisyo kya Katolika: Kabuno i Bāngéli lyābo likuyoba, ‘osya- mu Ngamu ya Yeso Kristi,’ lōli uswe twēgīle ubusisya ukusosyapo iya ‘i Ngamu ya Yeso,’ nukubika ubwēne pa ‘Tāta, Mwanundumiana, Mbepo Mwikemo,’ kangi abēne bikwitikisya ikyēne.”

Lilino, nnāngisya une i Lisimbo ili likulwana na ikyo.

¹⁷⁰ Kangi mwaketa umwe lelo. Kangi pope, ikisu kyapasi kikwinama kulakula ku kyene. Nongwa ya fiki? Abène bakabūkámó siku ku Kalivari. Ikyo kyo kīkyo. Abène bakakibonámó siku.

¹⁷¹ Abene bisakukugila ugwe nukukubilikika ugwe... abene bias nukukubilikika ugwe, “Mwikemo-mbunguluka,” “Yeso mwene,” kangi syosya ingamu isyabumilisi isi abene babagile. Ngimba bo bukindane buki ikyene kikapela iki abene bikukubilikila ugwe? Ngimba fyo fiki abene... Umwene ngimba ikupasya iki abene bikukubilikila Ugwe? Umwene akomeligwe. Umwene alitugalile Kyala, kangi Kyala mwene. Kangi linga u Mbepo yulayula, ali mwa Mwene, yo ali mwa ugwe, isakukupela ugwe ukubomba ikindu kilakila, ukupimba i Ngamu Yake. “Kilikuosa ugwe kubomba” (likuyoba i Bangeli) “mmasyu pamo mu mbombo, bomba ikyene kyosa mu Ngamu ya Ueso, kupaga ulutufyo kwa Kyala.”

¹⁷² Ko kugu ugwe kwega ikyabutatu, ikimanyisyo kya biputafifwani kila? Ukufuma mu katekisimu, kisita ukufuma mu i Bangeli. Ilisyu “butatu” likayobigwa nukuyobigwamu m’Masimbo gōsa ukufuma Bwāndilo ukubuka Busetuli. Pakayapo nakimo ikindu bo ikyo. Kukayako ni kindu nakimo bo kyala gwabutatu. Umwēne yo Kyāla, Kyāla ntiga, Kyala yumoywēne. Ayīle akabalilo kōsa Kyāla yumoywene. Umwēne ābōmbīle mbubombelambombo mutatu: Umwēne ābōmbīle akabalilo kamo ngati Tāta, akabalilo ka Mōse. Umwēne ābōmbīle akabalilo kamo mu mbili, ngati, Mwanundumiana, Yeso. Umwēne ikubōmba lilino ngati Mbepo Mwikemo. Loli ikyēne kyo Kyāla yumo. Yumo Kyāla, komma ni ngamu itatu mma. Mbubombelambombo mutatu, amapalo matatu mu Ngamu yimo: Yeso Kristi.

¹⁷³ Kilikyōsa ikikīndane kyo bwiputafifwani; kangi une ngusuma kuli yumo ukunāngisya ikyo, linga ikyēne kikaya. Uko ko kotalusya. Une njobile iki ku fyīnja ukukīnda ifyīnja ukukīnda ifyīnja, kangi nayumo ākitwēle ikyēne pala, nalino (Muketile?), panongwa yakuti ikyēne kikabagila ukuya. Une ndinakyo i... apa lilipo i Bāngēli, ikyākwānda; kangi silipo pala isyambukulu isyaiyolo ukusisimikisya ukuti ikyēne kyo katikati kitalusye. Kangi nongwa ya fiki u mōhēsi itolo...? Une... Mulimōsa, i Bāngēli lyāyobile abēne bisakuyaga injila yila: “Ngimba abēne abēne bikwīsāga bulebule, pene pāpo Une ngubakwāba abēne?” Ikyo kyo itolo une mmenye kyosa kya ikyene. Ikyo kyo iki Yeso aayobile, popāpo...

¹⁷⁴ Une ndikuyoba ikyo ukuya... Linga une nāyobile ikyo, nukulūmbilila ubulumbilili bo ulu, une mbagile ukuya nsyobi gwapasi fiyo pakati pa umwe. Uko ko kotalusya. Une nguyoba ikyo panongwa yakuti Ikyēne bo Bwanaloli kangi Ubwene bo Bumi. Ba bwīngi bwa bōsigwe mwa Kristi, bikufwala Kristi. Abēne bali nu Būmi, mu Ngamu Yake.

175 Uswe tukusuma mu Ngamu Yāke, londesya mu Ngamu Yāke, ukulumbilila mu Ngamu Yāke, ukōsya mu Ngamu Yāke, ikwitūgála mu Ngamu Yāke, ukufwa mu Ngamu Yāke, ukubuka ku Mwanya mu Ngamu Yāke, ukusyūka mu Ngamu Yāke. “Ikikolo kyōsa ku Mwānya kipīgw’ingamu Yeso.” I Bāngéli lyāyobile lūlo: “Ikikolo kyōsa pa kīsu kipīgw’ingamu Yeso.” Umwēne alinkuti, “Une nālisile mu Yāngu . . .”

Ugwe kuyoba, “Ena, iyene yo Ngamu ya Tata.”

Tāta yikaya ngamu, ilyēne lyo lipalo. Umwēne alinkuti, “Une nālisile mu Ngamu ya Tāta Gwāngu, kangī umwe mukālinyāmbilile Une mma.” Lilino, ngimba yo Ngamu nki Umwēne ālisilemo? Uu-huu. Naloliloli, “. . .kangī umwe mukālinyāmbilile Une mma.”

176 Popāpo mwaketa lelo umwe; ikyēne kyo itolo, ena, ikyēne kifisigwe ukufuma ku fisige fya bamahala na bayanja. Naloliloli, ikyēne naloli kili, uu-huu.

177 Kango kula mu Busetuli, bo mūmo uswe twamanyisyile ilisiku lilingi: pala kilipo ikyaiyolo ikipanga ikyamalaya, iki kyo kipānganio ikyakwānda; kangī polelo umwēne āli ni kipāmba kya banabalindwana aba bāpapīgwe ukufuma ku mwēne. Abēne bikubōmba ikindu kilakila, utuyīlo tulatula. Umwēne yo lōsa ikumalikila mu Bebuloni, injila yilayila, ni . . .ni kipānga kya Roma ni bubūnganie bwa fipānga ifya—ifya fisu; kangī pala umwēne alipo, lōsa ukumalikila, bōsa mi kindu kilakila, u bwāto bulabula.

178 Lōli i Kipānga kya Kyāla (Haleluya!), ikyēne kyo Kipānga ikibilikigwe-panja, kipagulīgwe. Ngimba i Kipānga kiyēngigwe bulebule? Ngimba ugwe kumanyaga bulebule iki? Ngimba ubagile bulebule ugwe ukumanyamo siku iki ukuya Bwānalōli? Akabalilo kāko Kyāla ikusetula iki kwa ugwe. Ngimba bo bulebule—bo bulebule Abelō āmenye ikyēne kyāli kang’osi mbuyo bwa ma apulo? Ikyēne kyāsetulīgwe ku mwēne: “Nu lwītiko Abelō āpéle kwa Kyāla ilikemo ilinunupo ukukīnda.”

179 Ukusuka pāsi pa Kyāmba Lwanduko, Yeso ikuyoba, “Ngimba abāndu bikuyoba une ne ywāni?”

Bamo balinkuti, “Eliya,” “Mōse,” na fyosa bo ifyo.

Umwēne alinkuti, “Lōli une ngubalālusya umwe, ‘Ngimba umwe mukuti une ne ywāni?’”

Peteri alinkuti, “Ugwe gwe Kristi, u Mwanundumiana gwa Kyala gwabumi.”

180 Umwēne alinkuti, “Ugwe ukumanyilamo siku iki . . .” Mu njila iyingi (Une nguyoba iki, komma ukuya kinywamu, lōli ukutwalapo ifūndo): “Ugwe ukāmanyilēmo siku iki mu seminale yimo; u nnyāmbala yumo akākumanyisyēmo ugwe iki; lōli Tāta Gwāngu, uyu ali ku Mwānya, asetwile kwa ugwe: ukuti UNE YONE (komma Tāta, Mwanundumian, kangī Mbepo Mwikemo,

lōli, Une ne Yeso Kristi). Kangi pamwanya pa lyālabwe ili (Ngimba ilyālabwe nki? Lilalila ili Abelo ābūkileko; pamwanya pa lyālabwe lilalila.), pamwanya pa lyālabwe ili, bwamwambepo ubusetiligwe u Bwānalōli bwa Kyāla, Une nisakuyēnga i Kipānga Kyāngu, kangi ifipata fya gehena fikabagilamo siku ukukitola ikyēne.” Uko ko kotalusya. Abēne bikugela ikyēne, lōli abēne bisakukitolamo siku. Muketile?

¹⁸¹ Popāpo itolo būka ku Kalivari, yaga nkomeligwe, gomokaga, nukwēga injila yāko na banini abafūyigwe ba Ntwa, kindililāga.

¹⁸² Lilino, Ntwa, uswe tukubīka fyōsa ifindu kwa Ugwe. Une ngamanya, ukufuma ku kibugutila iki, iki kili muno. Une ngaya ni fūndo ya kumanya, Ntwa, pena pāpo Ugwe ubagile ukuestula ikyēne. Kangi lilino, Tāta Kyāla, une ndikusuma Ugwe ukubōmba ikyo mma. Une nkilāmbalike itolo ikyēne mbupagato bwa bāndu. Pala abēne balipo. Iki kiliyaga Kalivari gwanalōli ulubunju ulu; kiliyaga ikyēne bukomeleligwe bwanaloli ku bwigwane-bwagwīmwenē, ni finyonywo-fyagwīmwenē, na kufindu ifinywāmu fya būmi.

¹⁸³ Abanyāmbala baliyaga bakwiyūfya, kangi bīganenge ukwēga injila na bafūyigwe banandi ba Ntwa. Baliendaga abēne nulwiyisyo. Balipāougwāga abēne n’Kitangalala iki, i Kitangala kya Kyāla iki ikikulumba, iki kyo mbili gwamwambepo, umbili gwakumwanya gwa Kristi pa kīsu: “Nu Mbepo yumo uswe twēsa tōsīgwe mu mbili gumo.”

¹⁸⁴ Pāga ikyēne, Ntwa. Kali abēne batītu, bēlu, bāyelo, bafubifu, kilikyōsa abēne bo bali, banyāmbāla pamo bakīkūlu, bapinyīgwe pamo bābuke: uswe twēsa tupelīgwe ukunwa ukufuma mwa Mbepo yulayula-gwapagwīmwenē.

¹⁸⁵ Pāga ikyēne, Tāta, kangi kiliyaga ikyēne ni... pakati pa bīngi, ulubunju ulu, ukuti abēne bisakupilikisya; ulīgulāga Ugwe ubupilikisyo bwābo. Polelo, ilyēne lisakuyaga ngati lisiku lipya ku bēne: ilisuba lisakubala, kangi ubwēlu ubwangisi bwa fifundakyala fitendekigwa-na-bāndu fisakusāta ukuyōnga, kangi u Bwēlu bwa Kyāla bwisakubala pa njila syābo, nukulepulania ikikīngo iki kikukīngila nkati u Bwēlu ubumogi ubu. Kangi abēne babagile ukwēnda mu nsebwe-unkulumba gwa bwikemo, polelo, ukwitūgalila abāngi, bo mūmo Kristi ābōmbile.

¹⁸⁶ Lilino bo uswe tukutwālamu ulukīndi lwa lwīpūto, une ngusuma ukuti Ugwe kupakaga abambombo Bāko ulubunju ulu, twēsa ba uswe, yumo panongwa ya nnīne. Kangi pāga, umwīsyūgu, ukuti aligwesa umūndu umbine uyu ikwīsa mula ndukīndi lwa lwīpūto abagile ukubumbulusigwa. Baligomokaga abēne, bo undīndwana unsyumbutuka-fisige, nu ndumiana unnīni, kangi i... kangi unkīkulu gwakikāngale yula, kangi—kangi Nkundwe Wright, na bīngi ba bala bābo bālisilemo mula, Ntwa, na mabonywa ni mbungo ni kindukimno iki abagānga

bakabagila ukugāngula; kangi apa abēne balipo umwīsyūgu (itolo kifuki undungu ugu gukīndilēpo), kangi apa abēne balipo, balikanunu, umwīsyūgu.

¹⁸⁷ Kyāla, balikilaniaga abanyāmbāla na bakikūlu apa nu lwītiko lulalula, bamenye ukuti abēne bikubūka ku Kalivari ukwakuya bakomeligwe ku minogono gābo ni fundo syābo ukuti abēne “bakindilepo ukubumbulusīgwa.” Amaka aga gasyūsīsyē Yeso ukufuma ku lipūmba galibapaga abēne ubūmi, ubūmi ubukulumba bwa lwītiko.

¹⁸⁸ Kangi polelo, nakalinga ukufuma apa, babīngi balīsaga ku kitubwi ku lōsyo. Uswe tukusuma mu Ngamu ya Yeso. Ameni.

¹⁸⁹ Lilino, uswe itolo tuli na maminiti malongo mabili ukwēndesya ulukīndi lwa lwīpūto nu bubōmbelo bwa lōsyo. Lilino uswe tukaya na makadi ga lwīpūto. Uswe twāgile ukufuma mu ikyo, kangi uswe twisakugela ukukibōmba ikyēne mu ngomano ingulumbapo akabalilo kalikōsa uswe tukwānda. Une mbabūlile umwe mwēsa, uswe twakitwēle ikyēne pānja, uswe tulinakyo ikyēne pa tepi, kangi kulikōsa une ngubūko, amatepi gala gisakutumigwaga nkyēni.

¹⁹⁰ Ikimanyilo kikusosola kwene ku lusayo. Ifungo yāli, “Linga ugwe kwīputila ababine, bafikisyaaga abāndu ukukwītika ugwe.”

Une ndinkuti, “Abene batisa kunyitika une.”

Umwēne alinkuti, “Ugwe kwisakupīgwa ifimanyilo fibili, kangi ukwisila mu iki abēne bisakwītika.” Ifimanyilo fyēndile ukwandisya nu kwandisya, ku fyīnja kalongo ukusyūngutīla ikisu, kisita kabalilo kamo ukutoligwa. Kisita butoligwe, napanandi, mwa ikyēne. Balinga bamenye ikyo ukuya kyābwanalōli?

¹⁹¹ Ena, linga ugwe ubagile ukwitika ikika, polelo itika i Ndumi. Isyo syo syabwanaloli. Ikyene kikubonesya iyene. Kangi ngimba abagile Kyāla ukubika mula i Ndumi (Kangi nukuyītikisya iyēne iyēge mbelesesye fiyo ngati lula, lōli iki. . .) nukubabūla umwe ikindukimo kibagile ukuya kyābusyobi? Kyala atisakundeka une ukubōmba ikyo. Umma, umma. Umma, nkulumba. Une ngubabūla umwe u Bwānalōli.

¹⁹² Lilino, mwēsa umwe mukulonda ukwiputililīgwa, mu luko lumo, pa nkolofwa ugu apa, isaga kuno ku lubafu ulu, linga mwiganile, ukukilania pala, golokaga ku kililo. Kangi polelo ikyo kisakukwitikisya abāndu ukwisa ukukīnda bo uswe tukwīpūta. Polelo uswe tukwegaga a—a balumiana, abambilila-bahesya na bala bisakukētēsya; kangi bo abene bikwisa apa, polelo pala pa lubafu ulu, uswe twisakubatwalaga abēne ukusyūngutīla ku nyuma, nukubatwāla abēne ukukilania ikyēne. Aligwesa isakwīputililīgwa.

193 [Yumo ikuyoba kwa Nkundwe Branham—Nsimbi.] O, umma, une ngābōmbile. Mulimōsa, akabalilo kalikosa aka ugwe kulonda. Lukayapo lutamio. Ugwe ubagile ukuntwāla umwēne pānja, pamo ugwe. . . Une mbagile. . . ntwāla umwēne panja pala lilino, pamo panini ukufuma apa, akabalilo kalikosa umwēne ikulōnda, lukayapo ulutamio.

194 Lilino, unko uswe tuyege itolo kimyemye mūmo uswe tubagilife, ku maminiti amakonge amanandi. Une ngulonda mwesa ukuya mwinogonege lilino: Lilino ngimba kyo fiki i—fyo fiki i Bāngéli lyāyobile? “Ulwiputo ulwa lwitiko lukupoka ababine.” Ngimba balinga bamenye ikyo kyo kitalusye? Balinga basimenye ukuti i Libangeli liyobile, “Ifimanyilo ifi fisakukongaga abene aba bikwitika. Imbombo isi Une ngubomba mwisakubombaga umwe numwe”? Kangi ngimba syaali mbombonki? Umwene āyobile, “Une mbagile linga umwe mukwitika ukuti une mbagile ukubomba iki.” Ngimba ikyo kitalusye?

Iililusyo lyāngu lyo lyāliku? “Abene batisa kunyitika une.”

Umwene ayobile, “Ifika ifi fikupelaga abene ukwitika.”

195 Lilino, linga umwe mukwītika, itēndekesyāga: Iyi yo sala ya lubāngo lwīnu. Itolo mulamula ikyēne kyabagile ukuya ukufuma ku butulwanonga, ulwēne lo lufīngo lulalula ulwa Kyāla yulayula.

196 Lilino, uswe tuli nagwe unnīni, unkīkūlu umbine apa, uyu ali nu lutamio lya mūnda, ukufuma kula mu New Albany. Uswe tukuyaga pakwīpūtīla umwēne, ikyākwānda, ukuti umwēne abagile ukwāga ikyāke—ukwāga ikikota kyāke. Lilino, mwakimyemye, kangi aligwēsa, lilino. Une ngulonda abakundwe ukundula une, apa. Kangi unko uswe twinamisye imitu gytu akabalilo kanini, lilino, ku lwiputo.

197 Lilino, Tata Gwakumwanya, ili lyāli Lisyu Lyāko. Une ngaya gwakumeleligwa pa bubōmbelo ubu bwisakwegigwāga pa kyēne, lōli une ngumeleligwa panongwa ya kulūmbilīla ikyēne. Kangi mmenye iki (kangi mmenye ukuti une ne nyāmbala gwa pakatikati—mbukusi lilino, kangi ilisiku limo ngufūmbilīsigwa ukuketesania na Ugwe): Une ndumbilile u Bwanaloli ukufuma mu ndumbula yangu. Ugwe umenye ikyene. Komma ukuya gwa lusalo, linga ikyo kyāli lūlo, Ntwa, polelo une ngufūmbwa ulupīnduko.

198 Kangi Tāta, une ngusuma ukuti Ugwe kutūlāga, lilino, bo uswe tukubūka ukwīputīla ababine, inyīpūto syāngu sili amuligwāga, komma inyīpūto syangu syene mma, Ntwa, lōli inyīpūto sya kipānga, bo abāndu abapelakisa aba. . . Bule linga uyu āli nkasi gwāngu imile apa? Bule linga uyu āli mwēne, itūgēsye mu kikota kya njinga? Pamo ulilūmbu gwāngu? U māmba gwāngu? O, Kyāla, bumbulusya abandu aba. Bule Ugwe, Ntwa?

¹⁹⁹ Kēta, bīmīle mu lukīndi lwa lwīpūto: lutamio lwa ndumbula, kansa, ilyulu lya kansa, uluko losa lwa mbungo nu bonywa. Bingi ba bēne bikwīsa (bamia bikuponesígwa, ukufuma kunokuno kuno, Ntwa), kangī abēne bikukibona ikyēne, kangī abēne bikukītīka ikyēne, kangī abēne bikwīsa mu lukīndi ukwitikisya ulwābo. Abēne bikwīsa ku Libwe ilyabūmibūmi lilino, komma ku gwāmbombo Gwāko, lōli ku Mwanundumiana Gwāko, Yeso, Yūyo yo Ndongosi gwa Kipānga, u gwamwambepo, u Mundu ugwambutūtu pakati pa uswe. Kangi bo uswe tukubūka, ukupa i Ngamu Yāke (Ugwe gwāyobile, “Mu Ngamu Yangu abene bisakusosyaga imisetano.”), Une ngusuma ukuti Ugwe kwāmulāga inyiputo syitu, mu Ngamu ya Yeso. Amenī.

²⁰⁰ Lilino, aligwēsa yaga mu lwīpūto. Lilino, iki kyo kiyabo kyīnu, kyōpe. Ulu lo lwīpūto lwītu.

Lilino unkīkūlu unnini uyu abagīle ukufwa, linga i Kindukimo kitikuntula umwēne.

²⁰¹ Balinga bammenye u Nkundwe Satdsklev? Nkundwe na Kalumbu Stadskev? Une nābīlīkīgwe ukufuma ku Germany katatu ikilo kimo; umwāna gwābo āfwīle. Abēne bālalūsīsye, “Nkundwe Branham, uswe tukubwēne ugwe, ukwisila mwa Mbepo gwa Kyāla, kusyūsya abafwe,” (Abene bālimile balipo nukukētelela ikyēne. Muketile?) “kangī uswe tumenye ukuti ugwe gwe nsololi gwa Ntwa. Yoba itolo i Lisyu.”

Une ndinkuti, “Une ngabagila ukuyoba ilyene, pene pāpo ilyēne libīkīgwe nkanwa kangu.”

“Isaga ku Germany.” Une ndinkusumuka nakalinga itolo. Kangi abēne balīngōlīle pa fōni: “Ega i ndege ya jeti iyi yibagīle ukukutwāla ugwe ku Germany mu sala ihano-na-yimo.” I jeti ya bābwīte iyi yābagīle ukumbululusya une ku Germany ukwakusyūsya u mwāna umfwano. I jeti ya bābwīte yābagīle ukwēga ukukīndapo isala ihano-na-yimo, ukufuma ku Louisville ukubuka ku München, Germany.

²⁰² Une nābūkīle nkati mula, nukuya pa mafūndo gāngu, kangī ndinkuti, “Tāta, ngimba une mbagīle ukuyoba fiki? Yoba nkanwa kāngu.” Umwēne akālinyāmīle une. Une ndinkubūka panja ku matēngēle, une ndinkuti, “Tāta, ngimba une mbagīle ukuyoba fiki? Bīka amasyu nkanwa kāngu. Une nisakubūkāga paitolo, linga umma.” Une ndinkugomokela, Umwēne akālinyāmīle une. Ndikwīsako. Ukukīnda ikilo une ndinkwīpūta, “Ntwa, bīka amasyu nkanwa kāngu.” Nakimo kyālyāmūlīgwe.

²⁰³ Ulubūnju ulukōnge unkasi gwāngu alinkusumuka. Akabalilo kako umwene āsōkīlēpo, Lisyu (Une ndinkwīma mmwanya), Umwēne alinkuti, “Komma ukukikemela iki. Iki kyo kiboko kya Ntwa.” Ah-ha.

Polelo nakalinga ku fōni: “Une ngabagila ukwīsa. Umma, iki kyo kiboko kya Ntwa. Une nguyaga nkanisigwe.” Umwe muketile go maka maki galimo mu lukemelo lula? Akabalilo kāko Kyāla āyobile, “Komma ugwe ukubōmba ikyo, kabuno ikyēne kyo kiboko kya Ntwa.”

²⁰⁴ Lilino, Mōse, akabalilo kamo, ābūligwe komma ukubōmba ikindukimo, alinkubūka nukubōmba ikyēne mulimōsa. Umwe mukukūmbukīla? Popāpo une—une ngābūkile mma.

²⁰⁵ Kangi une mbagile ukutwāla kwa umwe ubuyobelo ukunāngisya isya bāndu bana abakindanekindāne, aba, bayobigwe ukuya bafwe na bagānga, ukufuma pa lwīpūto nu lukemelo lwa bufwe. Muketile? Uswē tukwīma nkati mula ukukemela ikīndu kila. Kangi linga Kyāla ākupéle ugwe amaka ukubōmba ikindukimo, ugwe kinunupo gwāndége uyege gwakupākisya iki ugwe kubōmba. Muketile? Ugwe kinunupo gwānde- . . . Umwēne āyobile, “Komma . . .”

²⁰⁶ Lilino, kumbukilaga, ikyo kibagile ukusita kwitugasya na umwe kanunu, loli kwa une, ikyene kyanwisye ikindukimo. Muketile?

“Komma ukukikemela iki.” Nalōli ilinyafu, ilyakisa Ilisyu (kifuki sala yabuhano-na-yimo-na-sinda, une ngusubila akene kāli, buhano-na-yimo-na-sinda ndubunju) lilinkuti “Komma ukukikemela iki. Iki kyo kiboko kya Ntwa.”

Une ndinkuti, “Ndaga ugwe, Tata. Ndaga ugwe, Ntwa. Une ndisakubomba ikyene mma.”

²⁰⁷ Linga Umwene ayobile, “Kemela iki. Uyu yo ndugu ingililemo mula.”

Une angali nguyoba, “Unko uswe tubuke.” Kangi ikyene angali kibombigwe.

²⁰⁸ Akabalilo kako undumiana unnini yula kula mu Finland alambalele pala, mfwano, atyekenywike mosa, komma ni kifupa ikinunu mu mbili gwake, u Ntwa alinkuyoba kila kyali kiboko kya Setano, “Kemela ikyene.”

²⁰⁹ Kangi une ndinkuti, “Bufwe, ugwe ukabagila ukunkolelela umwene. Ntwala umwene ngomokesya, ndeke umwene ayege mwabuke.” Pala, umwene alinkunyela pa malundi gake, ali kanunu, nalimo nilifupa nalimolyene likonywike mu mbili gwake. Ilyo lya Lisyu lya Ntwa. Une ngabagila ukubombela imbombo i Lisyu lya Ntwa mpaka i Lisyu lya Ntwa likwisa kwa une.

²¹⁰ Loli mu Lisimbo, i Lisyu lya Ntwa limbele une ululagiligwe ukwiputula abandu ababine aba; libapele umwe ululagiligwe ukwiputula abene. Lilino, “ulwiputo ulwa lwitiko lukupoka ababine;” unko uswe twipute, umwe inamisye imitu ginu; uswe twisakuketaga iki Umwene ikuyoba, bo umwe mukukindamo,.

211 Ugwe uli Nkristi, bule ugwe? Ugwe kwitika ni ndumbula yako yosa ukuti Yeso ikukupelaga ugwe uyege kanunu? Uli nu lutamio lwa munda; ukubilwe nu lwene ku fyinja, kalumbu. Lilino, ugwe kuyaga kanunu, linga ugwe kwitika.

212 Lilino, Ntwa Kyala, unkikulu unkeke uyu ikufimbilisigwa ukufwa pene papo Ugwe kuntulaga umwene. Lilino une ngusuma, bo une ngunketa umwene, une ndinkuyibonapo inongwa iya umwene ukufwa.

Kangi une ngwipilika mwa mbepo gwangu, Ntwa, ukuti ubwene bo bwigane Bwako ubwitikisigwe, lilino, ukuti une ngemele iki: Setano, mwabula umwene!

Mu Ngamu ya Yeso Kristi, umwene aliyaga kanunu, isege ku kipanga iki, nukupa ubuketi ku lwimiko lwa Kyala. Ameni.

213 Lilino, nubupepe na mumo kila kili, nkikulu, ugwe kuyaga kanunu. Ngimba kwitika ikyo nkundwe?

Ngimba umwe mukwitika pasi apa, ukuti umwe mukuyaga kanunu? Bukaga lilino, ukande ukulya kalikosa aka ugwe... ugwe polelo, kwisakuyaga kanunu.

Lilino, ugwe kugulila ukupa ikisu ubung'ong'onyale, nukusililisa ikyene; ikyene kikupele ugwe ubung'ong'onyale, kangi kikukusililisa ugwe. Lilino, u Kyala gwa ku Mwanya uyu ikusoyamo ubung'ong'onyale nkisu ukupa ubusyumule bwa butulwanongwa, ukwisila mu Ngamu yilayila, abagile ukupa ugwe ubusyumule bwa butulwanongwa, ukusoyamo ubung'ong'onyale ukufuma mwa ugwe, nukukupela ugwe uyege kanunu.

Itika Umwene abagile ukupela indumbula yila ukutikaga kanunu? Ugwe kwitika ikyo, ugwe kuyaga kanunu...?...

214 Ntwa yeso, unkilkulu umpelakisa uyu ikufimbilisigwa ukulambalala nkikota ku bumi bwake bosa ubu busyele kangi polelo, nukusosigwamo. Loli uswe tukusuma ukuti amaka aga aga Setano gasosigwemo ukufuma mwa mwene. Umwene aliyaga mumi nukwenda nukuya itolo kanunu na mumo umwene ayilelemo siku. Uswe tukusuma ikyene mu Ngamu ya Yeso. Ameni.

215 Ugwe kwitika? Ikyene yo mbombo imalisigwe, ikyene kibombigwe. Ngimba kitamisyé fiku? Kisita lutende, kisita nakimo... Kikali mma...? Ugwe gwābumbulusigwe ukufuma ku kansa akabalilo kamo...?... Yaga mwābūke, paga kilikyosa kwa Yeso.

216 Ntwa Yeso, une ngwala ikiboko kyangu pa nkikulu uyu nukukemela ububine bwake. Une mmenye umwene yo Nkristi, umpapigwe mwa Mbepo. Une ngukisoyapo ikyene ukufuma pa umwene, mu Ngamu ya Yeso Kristi i Ngamu inswigisye. Ameni.

217 Ntwa Kyala, panongwa ya nkundwe gwake umpala, une ngusumila ubupoki bwake mu Ngamu ya Yeso. Ima pa ikyo. Ameni. Kisakubombigwaga.

218 Ngimba ugwe gwitendekisye ukwambilila ulubumbulusyo lwako, mwanundumiana? Ena, ikyene kibukile nkyene pa kiboko Kyake.

219 Ntwa Yeso, ukufuma pa nnyambala unkeke uyu, yuyo ayobile, ukufuma kwa Ugwe, umwene ukusuma ukwambilila ulubumbulusyo bwake. Ukuya ntumigwa Gwako, une ngubika amaboko gangu pa mwene mu Ngamu ya Yeso Kristi...?... Ameni.

Lilino, aligwesa itolo...?...lilino, ugwe itolo bilikila pa Ngamu Yake. Lilino, komma—komma kwa une...?... .

220 Tata Kyala, ukuya mwanundumiana mwene uyu akabalilo kamo aligemekisye pa kipambaga kya nna, umwene ansubisya umwene kangi—kangi aliputile nu mwene nukukolelela akaboko kake akanini akabalilo kako umwene mwana umbugale. Lilino, Setano ambikile umwene mu nyuma ya bafigili. Kyala, umwene isile ku Kipanga kya Kyala gwabumi, i Kipanga iki kipapigwe ukufuma mwa Mbepo gwa Kyala, i Kipanga iki u Mbepo gwa Kyala ikwitugalamo, nukwipela Mwene ikumanyigwa. Kangi umwisyugu, nu lwiputo, uswe tukuponesya unkikulu yula ukufuma mu nyuma yafigili yila. Mu Ngamu ya Yeso Kristi, uswe tukusuma. Ameni.

Bukaga kukaya, ugwe guli kanunu mosa.

Ndaga ugwe panongwa ya kwisa, ukusumila kwa nyoko; uyo yo naloliloli mwanundiana.

221 Ili lyo lisiku lya lubango lwako. Ntwa Yeso, panongwa ya nkikulu uyu, panongwa ya bupoki bwa ndume gwake nu lubango lwa mmilo gwake, ali ambulilaga umwene ikyene mu Ngamu ya Yeso Kristi, Yuyo ikuyoba “ukwisa, itika ikyene lilino,” kangi ikyene kyo kyombo ikimalisigwe.

222 Ntwa, abaganga bayobile, Ntwa, ikyene kili mu mbili gwake, kikwisa nkisige kyake. Umwene isile ukuponesigwa, pamwanya ukukilania pa kigemo iki, bo i Kipanga ikikemo iki kikwiputa, une ngusuma u lubango lwake mu Ngamu ya Yeso Kristi, imbungo iyi yisakusokamo mu mbili gwake. Iyene yo mbombo immalisigwe.

Panongwa ya mwanundumiana gwake, une ngusaya akafunga aka. Ukupilika kangi akayilo akatalusye filigomokelaga ku mbulukutu yake...?... .

223 Lilino i Kipanga kikuyoba; lilino i Kipanga kyo Mbili gwa Kristi ugwambutitu. Uswe twesa tukukwiputula ugwe. Uketile? Uswe tutiku—uswe tutikufumusya ukuya nkisu kangi mma. Uswe tutikuyoba isya kuswiga kuko uswe tukubuka. Uswe tuyagile i Njila. Uswe twapapigwe mu Njila yila. Uswe yuswe

Kipanga kya Kyala Gwabumi (kiyabo kya ikyene); ena, ikyene kyo kibalaniye nkisu kyosa. Loli iki kyo kabugutula ka bene. Umwisyugu, uswe palikimo tukwisa mu Ngamu Yake. Uswe tukwisa ukubomba iki Umwene aayobile, bomba. Iki Umwene akabagila ukusetula akabalilo kako uswe tukwisa palikimo. Ukwiputula ababine, bika amaboko gabo pa bene, “ulwiputo lwa lwitiko lukupoka ababine.”

²²⁴ Imbungo yāko iya ndumbula yilikulekaga ugwe. Mu Ngamu ya Yeso Kristi, une ngupilikila ubutumigwe Kyāla ālimbele une...?...



ILISIKU LILA PA KALIVARI KYA60-0925

(That Day On Calvary)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Ndungu kulubunju, Seputembala 25, 1960, ku Branham Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2023 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org